

C V R S V S
OLYMPICVS

ILLVSTRISSIMI ET REVERENDISSIMI PRINCIPIS,

DOMINI DOMINI

CASIMIRI FLORIANI

CZARTORYSKI

DVCIS IN KLEVAN

EPISCOPI POSNANIENSIS.

per vestigia

Generis, Virtutis, Scientiæ, Honoris,
collectus,

Eidemq; ILLVSTRISSIMO ac REVE-
RENDISSIMO PRINCIPI, Limina
Principum Apostolorum Cathedræ
Posnaniensis adeunti,

A

Collegio Posnaniensi SOCIETATIS IESV,
promptissimè adornatus, & oblatus.



Anno CVRRENTIS seculi post M DC. LI.

POSNANIÆ,

In Officina Typographica ALBERTI REGVLII.



67.



AD ILLVSTRISSIMVM
ET REVERENDISSIMVM PRINCIPEM
DOMINVM DOMINVM
CASIMIRVM FLORIANVM
CZARTORISKI
DVCEM IN KLEVAN
EPISCOPVM POSNANIENSEM,
PRÆFATIO.

NEMO uno passu stadium immortalitatis excurrit. ante primum lapidem, mouendus Omnis lapis; in vno milliari mille studia. Sed nulli magis fatigantur, quàm qui ad otium currunt; si virtus in meta est, illecebram viæ, facit terminus, quod altior, semitam præbet magis decliuem: ipsa contentio animi, difficultatem temperat, nec attenditur passus in arena, sed gradus ad palmam. Facillimum verò, virtutem in meta ponere, cum in animo est. Quod pauci constanter currunt, inopia bonorū facit; quia omnes boni volunt esse, omnes cursum incipiunt. Etiam hic pessima diuersoria maximè fatigant peregrinos: quod si cōmodè aliquādo hospitari cōtingat, maius periculū est, in illecebra manēdi. Comites habere, Natura cursus istius est; non tā præsidio vitæ contra latrones, quàm solatio viæ contra tadium. Cum multi in stadio currunt, vnus, victoriosissimo Athleta Paulo teste, accipit Brauium; quod si vnus, nullus. hunc sua lentitudo corrumpit, illis aliorum celeritas calcar erit. Stare nē dicam alios in motu pœnè raptūs? magis mihi videntur retrò ire! præcipitia tot suadent multis oculos defuisse, & frontem: illi quod vel quā eant, palpant, hos ire non pudet. Multi cum littus tantum legere deberent, Pelago se committunt; sua pati malunt pericula, quàm alienorum misereri, sæpè sine gubernaculo, sine arte, sine Maris & tempestatum experimento, sæpè sine sale salum ingrediuntur, nec habent in penu Condimentum, contra fluctuum amaritudinem: & licet multum Ceræ in atrijs habeant, nesciunt aures contra Sirenum dulces laqueos munire: tamen remis & velis inuehuntur. sæpè Fortunatas Insulas, sæpè auream Cbersonesum præteruesti, onerant gemmis & auro Naues; ditiores non meliores facti, pessimā licitatione, per commutationem, bonos mores pro nequam merce, an mercede? dederunt! Illa nimirum, quæ scandit æratas vitiosa naues curra,

ra, rimas facit in sentina, serò incipit poenitere superasse tot Bonæ Spei promontoria, si vel in unum Malæ Spei, cum redeunt è vita, impingant: quando ne guttam quidem virtutis, post Oceanum curarum deprehendunt. Erroribus suis multi se felices putant, diuerticula quærent, & cum à viarecta aberrauerint, vitiosum circulum efficiunt: compendio ire, ea demum felicitas est. Quid seria mortalium temeritas non audet! contemnere se mortem putant, in Navi à qua vix palmum absunt: & cum in maris marmore venas sanguinis vident, filum Ariadnæ in labyrintho putant. Verè solum hoc, quod calcamus, salum est: nauigamus dum viuimus: tot naufragia docent, non esse nos in continenti. quidam adhuc poma fugacia captant, & inter medias sitiunt aquas: studia hominum faciunt Euripos, & quasi adhuc profundum mare non sit, affundunt sudores. Scio velocissimis equis frenâ inyci, calcaria negari. Naues etsi tot alas, quot vela habent, in summa ventorum copia, Cursus penuriâ laborant, sagittæ nisi ociùs eant, extra metam (intra dicere debebam) cadunt. Lentenè an citò eundem: felicio-
ris ingenij conclusio, apud me problema est. Alto ruentes riui, sua origine se trudent, suo fonte felices, nubibus abundantiam & pluuijs non debent. perenni vitrofluunt, & sol prius cælo, quàm sibi sua crystallus eripitur. Si quis in Te **ILLVSTRIS-SIME** & **REVERENDIS-SIME** **PRINCEPS** celeritatem miratur, attendat unde excurreris. miraculo par, sine æmulo currentem, tam citò, non ire, sed volare. Ita gentilitio Equite utebaris, ut neq; arma fecerint de leuitate Cursus suspectum, neque iste Eques ad pugnam non ad fugam paratus. Facile permisisti multos ante Te asurgere, quos Tibi pares optabas. multi tum accipiunt præmia, cum necdum sperare deberent: tum mereri incipiunt, cum præmia acceperint. Tu **ILLVSTRIS-SIME** & **REVERENDIS-SIME** **PRINCEPS** cum tot Prærogatiuas, Sanguinis, Virtutis, Scientiæ, Honoris, Domi Tuæ haberes, videris Honorem fecisse nouo isti Honori, cum admisisti, ne quid peccasse fastu videreris. Sanguinem Regium à throno ad sellam Senatoris deduxisti. Nemo inuidere poterit, nisi parem se, per omnia summo, fateatur. Descendere **ILLVSTRIS-SIME** **PRINCEPS** videris ex altissima Familia Regiæ maiestate, & in hoc Equo armato Equitem è Principe facere, accipere Nobilitati communia. Agnoscit Posnania Humanissimum & Modestissimum Principem, aperit portas, fortissimum cum Tuo Equite præsidium **TERRIBVS** suis exceptura. descendenti ex Equo. Lembum Petri submittit, dat **PORTARVM** simul & animorum **CLAVES**; ut intelligas nihil Tibi clausum, omnia aperta. Fateri cogitur, & liberè, & si modestè coram Te omnium modestissimo dicere: multum & Tibi ex hac maioris Poloniæ Metropoli accessisse. nostra sunt, quòd è Maioribus Polonis Tuâ Maiestate Maximos feceris: Tua, quod ex hac Apostolorum Principum Cathedra, ex his Liminibus Apostolorum,

Pon-

Pontifex Maximus Poloniae promittaris, Toti Orbi ad suffragium propo-
naris. Nolim Te amplius morari ad Limina, ut descendas, gradum è col-
lo meo faciam: Cursus Olympicus est quem ingrederis; vestigia relin-
quenda, Pontificibus Posteris, Toti Poloniae. Antequam Te comitari incipio,
quæso excitatum in via excute puluerem: dari Te optabamus, non concedi.
Difficilem sentio Prouinciã comitandi; Totã Europã, Totã Italiã video
vestigia adoranda à longè; vix legenda. Longa est ubique post Te via: tan-
tùm oculis & votis assequar. Utinam! cum, ut cœpisti in Cursu Olym-
pico excurre, festinus ad Olympum eas, tardè venias: Tu facies, ut ci-
tò merearis Cælum; nos, ut serò accipias.

Tua Celstudini

Deditissimum Collegium Pozn.

Societatis IESV.

STI

(✱)

STIMVLVS CVRSVS OLYMPICI.

QUEM non futuri temporis æmulum
Momordit ætas? Nemo sat̃s diu
Præsente vixit: nemo felix
Præterito sat̃s, in futuros

Fecunda famæ diuitis horrea
Aceruat annos. Posteritas Patrem
Ventura Natorum, Nepotum
Iussit Auos studuisse famæ.

Vtcunq̃, casis lustra licentiùs
Grassentur annis; fama superstitum
Acterna factorum, nocenti
Eripuit decus omne lustro.

Frustra ruentem præcipiti diem
Phæbus quadrigâ, fortiùs impulit;
Rotisq̃, pernicipiq̃ frustra
Luna parat properare celo.

Longæua cursu certat Olympico
Cum non tenendo Gloria tempore;
Vtriq̃ par passus: relinquit
Neuter iners retrò cursor annos:

Quamvis auaro Casus edax voret
Humana rictu: fercula summouet
Intemperantis Heluonis
Ore procul, procul vna mensis.

Iacet supinis Græcia mœnibus;
Sed fama surgit. Cecropiæ Domus
Fleuere Glaucas auolâsse;
Nomen adhuc superesse gaudent.

Auriga virtus frenat euntium
Passus dierum, vela fluentibus
Ademit horis, Noctis atras
Præcipitis religauit alas;

Annosq̃

Annosq̃ tardis mensibus explicat.
 Obnixa velox non rapit impetus;
 Volant arena, lenta molles
 Aura vehit per inane plumas.
 Nondum seueris iura Quiritibus,
 Aut aequiori lex Lacedæmoni
 Erepta cessit; his Magistris
 Discipulus studet orbis, æquos
 Scrutare mores. Aemathius dedit
 Exempla belli: Caesar adhuc legit
 Præcepta: Pænorumq̃ fraudes
 Arte Fabi meliore vincis.
 Quisquis futuri temporis arbiter,
 Post fata longus viuere gestiet:
 Auro refundet se hic, resinget
 E solidosq̃ adamante mores.
 Quæret frequenti tramite gloriam,
 Ducet frequenti fertilis ingem
 Minerua sudet, quâ efficaci
 Stet medio, inuenienda virtus.
 Tu fastuosus duxeris obuium
 Quodcunq̃, spernes. serpere rusticum
 Permitte vulgus, te per orbem
 Non solito iuuat ire passu.
 Non vsitatis iuit honoribus
 Quicunq̃, magnus. sustulit æmulos
 Bellator Alcides; Tyrannis
 Et stygiæ metuendus vnda.
 Vnum, sequentis materiam facit,
 Pugna triumphum. Semper erit sui
 Auara virtus, nec capacem
 Vna volet satiare mentem.
 Quæ rara magno de Patre gloria
 Defluxit, alto sanguine filijs;
 Et signa, pendentessq̃ Cera,
 Præterita documenta famæ:
 Erunt futuris æqua Nepotibus,
 Ad exprobrandum, degeneres Patrum
 Regnare mores: Nate felix,
 Qui poteris reparare pulchro

Antiqua Patrum Stemmata, de Tuo!
 Sua beatum vivere de penu.
 Non nostra, quæ non sunt; pigriq;
 Mella bibunt aliena fuci.
 Nunc arma dextrâ sumere, nunc equo
 Versare campum: nunc in Olympico
 Heroa circo, peruicaci
 Cursu, alios superare cursus.
 Iam nunc seuerum, consilio graui
 Pacis morari te inuuet otium
 Et nunc amicorum querelas,
 Nunc hilares adhibere mensas.
 Hæc facta Maiorum hora loqui sciat,
 Exempla, leges: hæc alio celer
 Pererret orbe, quâ sequendo
 Gens faciles colit alta mores.
 Quanta occupato præmia pectori,
 Nescire pigro crimen in otio!
 Sed damna compensare vite,
 Et refugos reparare menses.
 Illum curuli gloria debitis
 Imponet astris: iam popularium
 Infraturnultus cernit, & iam
 Præter humum volat altus inani.
 Omnis recuruo vertice sternitur
 Pangea quercus: palmaq; pronior
 Insueta frangi, lunat altum
 Flexa caput; facilisq; laurus
 Acuminatis brachia spiculis
 Insternit acclinis. iuga montium,
 Cyrrheq; Parnassiq; nutat
 Cecropij petra mota Pindi.
 Effusa gratum prospicit hospitem
 Cæli patentis Curia; nubibus
 Exceptus oclusis, suprema
 Tum volucris, stetit arce, cursus.
 Nec sic reclusis hospes inutilis
 Hærebis astris: nunc Tua Tu: Tus.
 Deinde per choros, amici
 Gesta palam sonuere Cæli.

CURSUS OLYMPICVS

ILLVSTRISSIMI

ET REVERENDISSIMI PRINCIPIS


DOMINI DOMINI,

CASIMIRI FLORIANI

CZARTORYSKI

DVCIS IN KLEVAN

EPISCOPI POSNANIENSIS.

 Estinare denaum ex alto debebas PRINCEPS ILLVSTRISSIME, vbi tam diu hæstisti: violentiam faciebas meritis, dum morâ etiam merebaris. ipse Honor vindicare se debuit ab iniuria, cum Tu descendere modestè timebas, ille audax ascendit, tardus omnino, sic solent in altum nitentes. Annuebat vt descenderes, illâ ipsâ quam Antecessori Tuo mitram mors deposuit; dissimulabas: non vt impensius rogareris, sed si quis dignioreffet vertex indueret diadema, cui sanctissimum & sapientissimum caput debebatur. Molestissima erat Honori, vel mora Tua, vel modestia: cogebatur, raro exemplo, in campum Ambitus descendere, & inter Cādīdatos esse, qui Cādīdatos faciebat. Iam Te occultis cuniculis, rumore scilicet defuncti, sacerdotio Illustri, Senatoria dignitate pertentabat: Tu malebas dignus haberi, quàm vti. Quid faceret? vt audacissimus est, vsque ad Maiestatem Regii Sanguinis, ad Principum Celsitudinem ascendit. Locus non erat fugæ in illo fastigio; excusationi, in tanta modestia. facile dedisti hospitium Honori, vbi in Te prius merita diuersabantur. Pauci in cursu attendunt vnde exierint. Multis meta sine termino. satis est unicuique stadium excurrere, assequi præmia. Loci quò primùm pedem mouerant, sæpè non meminerunt, quin ipsa obliuio in pretio est, ne si ex alto, quò peruenerunt, respiciant ad incertum Cursus, etsi non poeniteat, pudeat tamen fortuna.

ita libentiùs in fortunæ hospitio diuersantur peregrini, quàm domi suæ. Sæpè Amicorum, & Cognationis pudet; vbi fortuna mater est, nulli fratres. Maximè natura læditur ab his, quibus felicitatis plurimum est. Miseri tot fratres habent, quot mendicos; tot parentes, quot diuites. Si qui respectant interdum, & vestigia retrò legunt oculis, tantò festinant celerius, donec etiam è memoria abeat in cursu præcipiti, status primæuus. Thronus Regius est, vnde motus Olympici cursus Tui; parum dixi, Regum maiestas. Maximè fatigare solent Plinios, Natales & Cunæ: non omnes Traiani sunt; multi fundamenta familiæ simul cum virtute posuerunt in se ipsis, parui sine maioribus. Supplenda est natura Arte, & non sanguine, sed atramento ducenda gentis linea. Prima hæc est laudibus Tuis venia, non factas esse, sed natas; non adscitatas, & peregrinas, sed proprias, & domesticas, non atramenti aut scholæ, sed familiæ & sanguinis. Fatigantur ingenia cum è suis visceribus panegyricos contexunt, & cum se tota in assentationem effuderint, tela est aranearum, quod fecerunt: leuiora muscis iudicia capiuntur, si quis est melioris mineræ, laqueum perrumpit, vel declinat. Quidquid è vena Oratoris vel Póetæ effluerit, nigrum est; Nobilitatis purpura è vena Maiorum. Frustra in eo ingenia sudant, cui manus in exercenda virtute frixerunt. si quid acutè, si quid sublimiter dictum est, gratiam habet Oratio, probrum vita: ingratusque labor, quem mores arguunt. Pennæ, quas manibus tractamus, nimis leues; ne vagentur, frenum & pondus habent à materia. nisi argumento authoritas adsit, leuiiores sunt in manu, quàm in anserè; in charta, quàm in aère. Nihil est quod magis deplumet calamos, quàm nuda veritas: faciliè peccari potest, faciliùs deprehendi error, cum agenda scribuntur non acta: & panegyris non laudibus constat, sed præceptis; adhortatio est, non encomium. Multi interim de sua fama bene agi putant, quòd in optima ingenia inciderint: multi egregiè se scripsisse, cum non verè. his Oratio contra conscientiam, illis fama contra vitam. At nulli magis vituperant, quàm qui indignis blandiuntur. Quàm longè futurus sim à suspitione malæ fidei, euidentiam facis, dum in Regia Sanguinis maiestate videris: veras laudes modestissimè admittis, falsis nulla venia esset apud seuerissimum morum censorem. Non vereor, ne quid alienum dicam, solum ne Tua non omnia. ne quid silentio transeam potius, quàm inuoluam. Quid dicam, ipsa taciturnitate suggeris; vbi dicere desinam, credo nunquam dicere poteris; quia nec quæ acta à Te sunt, actum agere possunt: & Tu ita in Cursu Olympico consuetudine eundi profecisti, vt non ire, perire Tibi sit. Maxima gloria bene ac innocenter viuere, sed prima bene nasci. etiam

qui pessimè viuunt, non malè secum agi putant, si in Maioribus optimos habent. quantum beneficium a natiuitate sit, discimus vel ex eo, quòd non bruta sed homines nati sumus. Nullam in Cunis, nullam in splendore familiæ, in claritudine generis, agnoscere gratiam, ingratis omniū est, ne dicam indigni. Quotquot rerum gestarum claritudine insignes erant, Familiæ insignia in primis habuerunt: si virorum Illustrium liberi non fuerunt, famæ erant mancipia. ita plus de origine certatum; quàm de cursu. Dij ipsi ad societatem, & suspensionem scelerum humanorum trahebantur, vt diuinitatem concederent! tanti erat Deorum fuisse liberos, vt illos adulteros esse oportuerit; tantillum famæ, summâ celi iniuriâ constabat! falsa laus, veris criminibus! Parum erat Cæsari Augusto in Ephemerides, lustrò vniuersi, etiam vniuersitatis centrum DEVM HOMINEM descripsisse: vna virgo, cuius filius putabatur, augustior erat ad immortalitatem, orbis angustior. Scio Generis superbam esse iactationem: Florem optimi Sanguinis corrumpit, quisquis laudes suas otiosè aspergit. sed omnia bona malo vsu deprauantur. deme saltum, quæ illustrior purpura verecundo sanguine? quæ par sublimitas, inclinata magnitudini? Omnia flumina è fonte commendationem habent, à riuis magnitudinem: & virtus auium, à nido est. nec illa dulcedinem peregrino acore, aut vitrum alieno limo perturbant; hæc vbi natæ sunt, omnia præsidia vitæ accipiunt, vsu alibi. Quoties Parentum Filijs, nepotibus Maiorum exprobrari mores audimus, non accusatur genus, sed vita: nam nulla grauior iniuria, quàm seruilis animus, in ingenuo. Cæteri si quid in vita delinquant, culpa illorum intra famam est; qui ex alto descendunt, si labi contingat, non est casus, sed præcipitium: lapsus in his qui humi serpunt. obuium est contra illustres familias inuidiæ telum; aliena laudari, non sua; vnâ cum ætate exoleuisse famæ odorem; præterita præsentibus malè misceri. Nemo ita locutus est, nisi homo nouus, aut obscurus: à sua conscientia bene vapulauit. quòd Fabius esse, cum desideret, non possit, vituperat Curios, à quibus in familiam admitti non meretur. Omnis ædificii firmitas à fundamēto; tectū, parietes, testudines, tabulata, fundamenti solidū sua strage non lædūt: quidquid elegantiæ intus, venustatis foris in aula est, in hoc hæret. quod si vitium est in fundo, summa nutāt. Simillima est illustrium familiarum ratio. qui è summis maioribus descendunt, etiam si quis casus interuenerit, facilè est inuenire latebram, in maiorū umbris: in summa imaginum luce, parum luminis posteris mutuare. Qui domi suæ recentes splendores multos, nullam fumosam imaginem habent; hospitem & peregrinam virtutem susceperunt. Mater familias est, vbi diu mo-

Fari licuit si quid aspergitur turpitudine vitæ à Minoribus, suo sanguine delent Maiores; & veniabilis error est, quem exempla Maiorum accusant simul & emendant. tanquam in limpidissimo fonte apparent vitia in imaginibus; quot Cerae, tot specula; tot domestici censores, quot Maiores. difficile est non proficere sub ferula senectutis: malim atria, quam scholas. hic classes librorum sunt, ibi virtutum: hic attrimento, ibi sanguine scribitur, quod discatur. Multi supellectilem Maiorum, otiosam esse dixerunt; homines sine imagine, ignari non esse ibi virtutem viuam, vbi mortua pretium non habet. Verè nemo magnus sine Maioribus. vt anni qui præterierunt, faciunt senectutem venerabilem; sic familiam Aui ornant: quos si quis irreligiosius tractauerit, annis quos sæpè numerat, indignus mihi semper videtur. sola æstimatio virtutis, virtus est. & omnis inglorius iacet, quisquis in atrio nihil appendit. Multi ad insaniam vsque fatigantur, & in fingedis Cereis diffuunt; nullum frequentius furtum; & licet honestatem quamdam præferre videtur. nullum turpius. illi Maiores fingunt, amicitias, affinitates, mentiuntur. his pro dote nihil nisi claritudo generis est aut forma, nec inter bona parapherna quidquam reperiatis, præter Ceras. ita hereditas nulla melior esse potest, quam Virtus, & claritudo parentum. Domi TVÆ ILLVSTRISSIMÆ PRINCEPS quidquid Europa Magnorum Principum habet, educatum est. Fecunda Imperatorum Regumq; Austria, postquam rursus cum Sarmatica, suam cōiugauit Aquilam in SIGISMVND O III. Felicissimo Polonorum Rege, Equite Tuo armato velocius quam Pegaso Totam Europam peruasisti. Nuperrimè in VLADISLAO IV. Fortissimo, ad Duces Niuernenses cognatione deflexisti. Neoburgici, Palatini Rheni, Bauariæ Principes communionem Sanguinis quamcunq; cum Jagellonibus habent, etiam sine Te Reges aut Principes esse non possunt. nihil noui dixi nisi ignorantibus, Illustrissimum Genitorem Tuum à Regibus nostris clementissimis non alienum appellari. Multum Vos in tam honorifico Poloniae Regum de Vobis testimonio humanitatis agnoscitis, nos in Vobis summum Regiæ maiestatis. Virtus est in illis ita loqui, in Vobis necessitas audire; non potest esse suspecta autoritas omni exceptione maiorum testium; sola veritas eiusmodi confessionem extorquet, nihil gratiæ, nihil meritis datur. vt sol minora lumina, maximè cum lucet, exstinguit, ita Regum maiestas serena, exstinguat potius minores ignes, quam accendat. Credo venire Serenissimis Regibus nostris in mentem Jagellonis & Vitoldi; quoties Vos intuentur, videre se putant in suo fonte, & cum apud Vos sunt, in nido suo esse. Non est ILLVSTRISSIMÆ PRINCEPS facile Regio Sanguine censerì. amicitia promptior

est

est, quàm cognatio. beneficia Reges sua vendunt, cum fidos amicos, Comites appellant; quoties Fratres, Consanguineos, maioris Domini, Dei scilicet, beneficium recognoscunt. Nemo hactenus amici nomine apud Reges vapulauit, optantur quàm plurimi; & quia non nascuntur, parantur beneficijs; cognati faciliè ipso sanguine odium merentur, peccatò originis. Naturæ beneficio suspecti sunt, etiam in filios sæuitum! Quantum erit, humanissime Vos omnes appellari cognatos Regum? summum est, nisi tamen Vestrum foret, esset minus. Romani Cæsares quamdiu viuere poterant, filiorum mentionem non ferebant, adoptabantur à morituris; tum primum habenas orbis concedebant, cum ex orbe abibant. Postquam inter umbras venerant, emergebant è tenebris qui hereditate possessionem adirent, nec tuti esse poterant, nisi è regia ad rogam, è rogo ad cineres, qui adoptauerant, abiissent. Verè magnum, securè Vos Regum consanguineos audire. Sterile illud bonorum principum seculum, vltima morientis Imperatoris voluntate successorem accipiebat. Comitia electionis celebrabantur in lecto, suffragia moribundi suspirijs & gemitu miscebantur, & fere dignus morte Princeps legebatur. Erat tamen omnis Imperij spes à desperatis, omnis salus à morientibus. vt vnus rei corruptio alterius generatio est, teste Philosopho, sic Romanis Principibus filij è bustis & Cineribus nascebantur, Phœnices credere poterat orbis, si diu Imperare liceret. Si **ILLVSTRISSIME PRINCEPS** Regum Serenissimorum voluntate suprema morientium, heres ex asse fieres, suspiceremus in vna testamenti tabula, imaginem animi Tui, elegantius, quàm Apellea manu depictam. non excederent sensus nostri merita Tua, in tam speciosis præmijs. neque tamen Te vt **DEVS** & Natura æstimaremus. Purpuram Tibi & Paludamentum peregrino fuco intinctum imponderemus: **DEVS** & Natura sanguinem Regum donauit. Nos dignum Te diademate putaremus; ille, & illa dignum fecerunt. Nos offerremus Coronam capiti, ab ijs dignum diademate verticem tulisti. In Tua Regnatrice Familia vniuersæ Poloniæ Archium depositum esse videtur. Iagellonicæ sanguinis, quo nihil isti Regno pretiosius, filij, Vitoldi Nepotes; quot sceptræ? quot diademata? quot Solia? Hic capitolium est triumphale, spolijs hostium, Palmis & lauro vestra exornatum. Legimus in Tuis fastis Serenissimorum Regum nostrorum Togæ Sagique decora. hic illi vt in proprio fundo longè latèq; ferrum simul & pietatem extendunt, **VLADISLAI, CASIMIRI, SIGISMVNDI.** quot Nomina, tot Numina. non in Cineribus suis, sed in Ceris Vestris, magis in animo viui. Regni istius potentissimi post fidem Catholicam pretiosissimus vnio est. Ordinis Equestris libertas, multæ aliæ nationes seruitutem.

ferre

ferre possunt; quædam nisi sub iugo & ferula sint, nihil in moribus sanctum, nihil in vita tolerabile: Nobis etsi licentiosius esse in libertate non licet, frenum est non seruitus, & cum virtute necessitas. Imperia unius omnium consilijs constant, quæ ut facilius expediantur, prius omnibus placent. ita libera imperia cum sint, maxima est in exsequendo necessitas. Habet libertas, etsi generosissima est, nescio quid de violento; nulli magis seruiunt, quam qui liberè tractantur. ita sibi maximè quisque imperat generosus: in seruitute nihil est præter aliena imperia, quæ animos non flectunt, sed frangunt. Est cur meritò Serenissimorum Regum nostrorum manus deosculemur. Gaza est magnorum meritorum: hic regni limites pomaerique Poloniæ, aut promota, aut defensa, hæ priuatorum publicasque opes noua accessione accumulans, ab his quietem domi, securitatem foris, leges, iudicia habemus. Primum nobis adorantibus Reges, manus obuiæ sunt, primum nos manus affectamus, gratitudiniquè nostræ, beneficijs illarum litamus, cum libamus: & quia maiora animo, quam manu beneficia accipimus, mancipamus animos nostros in osculo, quam hinc accepimus vitam, inspiramus, & quis beneficiorum sit gustus, quo ore prædicare solemus, declaramus. At mihi videtur in illa suauiatione, nullum suauius beneficium sentiri. Libertate: siue animum Regum munificentia attendo, rarum est: siue nos qui accepimus, gratuitum est. etsi Maiores nostri hæc præmia merebantur, malebant tamen in conscientia Principum sua præmia esse, quam domi suæ. Ita infantes in Fide & Religione erant, ut si sanctos Reges haberent, existimarent nihil melius subditis ab illa maiestate dari posse Religione, Pietate Principum. Priuatum putabant, quidquid omnes contingebat, publicum, quod in Rege cernebatur. Reges Serenissimi sua voluntate, & tantum Dei ipsius consilio, in vno libertatis beneficio duo fecerunt: ne si rogati fecissent, tantum de gratia amitteretur, quantum esset precum pretium, tantum de gratitudine apud subditos, quantum de supplicatione dedissent. TVI ILLVSTRISIME PRINCEPS Sanguinis, istæ non iam guttæ, sed riuus; nos fontem coronamus, quoties libertate ac vitâ ipsâ spiramus. Qui seruitutem non experti sumus, liberè nos viuere putamus, cum licentiosè; at in libertate ingenuâ nulla est peior seruitus, quam necessitatem faciendi ex eo astruere, quia licet. Honestissima sit oportet, ut gratiam habeat, licet latissima, fundum virtutis non excedat. quisquis Liberrimus viuit, ut omnes Poloni deberent, necessitatem gratitudinis sibi imposuit, Tuæ ILLVSTRISIMÆ FAMILIÆ, vnde primum Tuorum Serenissimorum Maiorum voluntate, profluxit. Aurca libertas nasci Romanis nisi è

sanguini-

sanguine Tyrannorū non potuit: è pessimis Parentibus optima proles. Nos etsi sanguine hostium istā laudem meriti sumus, feliciorem putamus libertatem, quam dederunt Reges, non priuati fecerunt; innocens est nostra, nullius cæde constitit, nisi eorum qui maximè mori debebant. Violenti siue lucis, siue gloriæ partus, diuturnitatem non habent, & abortiua libertas, quæ inuitis Regibus extorquetur. Habet tamen Polona libertas, quam nullæ aliæ gentes, Reges suos amandi necessitatem. Nemo nisi furiosus & amens (vt est apud hos etiam nomen DEI insanum) temerarius esse potuit. Mihi nimio plus distulit lacinia in Libertate; Regium beneficium est, Tuorum est. Parcendum non erit beneficijs Tuis, cū Maiorum Tuorum laudes nequē à me sine iniuria transiri, nequē à Te sine crimine læsæ maiestatis contemni possunt. Nondum quod maximè in summis Familijs commendationem habet dixi; pares Vos esse Maioribus. solum discrimen inter Parentes & Filios, Auos ac Nepotes, debet esse ætatis; Gloriæ & immortalitatis idem est curriculum, si in posteritate non senescit cum annis anus Fama: bene agitur cum Maioribus, cū bene agunt posteriores, etsi illis multum, quod telam gloriæ orsi sunt, plus sibi debent posteris, quod perficiunt. Omnia initia facillima sunt, pluresquē auctores imperfecti operis. ad medium facti venire solum illi solent, qui bene incipiunt. citius finem vitæ facimus, quàm operi coronidem. Rari ita perfecti virtutum architecti, vt ultra fundamentum assurgant; pauciorum sunt parietes, tabularum, tectum. Posterorum est à Maioribus accensam faciem non extinguere postquam acceperint, sed oleum omne, & operam in lumine fouendo impendere, solā constantiā in bono superare debent. Imaginem Coræ Veneris, cui Apelles ad Manes vocatus supremam manum non imposuerat, nemo pari artificio restituere in integrum est ausus; cū multi conari essent aliquid commodare, desperatione operis manum de tabula, etsi magister non aderat, detrahebant, Alia est in Ceris & imaginibus Maiorum ratio. Multum posterorum arti relinquitur, & maximè cū ad umbras Aui, aut Parentes decedunt, laborandum est de luce Maiorum. Cū sol occumbit, astra videntur; non ita posteris Maioribus extinctis. quamdiu viuunt, luce eorum minores ignes accendimur, postquam extincti sunt, nisi fomitem gloriæ in nobis habeamus, omnis Patrum lux, fumus est. Qui primi aliqua in Familia floruerunt, magnam innocentiae illecebram habebant à sola virtute; cuius tantus gustus est, vt etiam illis, qui voluptatibus perpetuò saginantur, in fame sapiat, licet, quod in laborantibus stomacho euenire solet, saluberrimū ad vitam immortalem cibum, ferre non possunt. Acuebant

fortitudinem ipsa fortitudine, sanctitatem sanctitate, Religionem Religionem. non præibat Gloria, non dominabatur, sed sequebatur, famulabatur, vt vmbra corpori. nulla erat spes lucri, & amittebantur spes; nullum odium vitæ, & mors in bello quærebatur; nulla odia amicorum, & ad hostes ibatur. Parua putabatur merces Virtuti Gloria, Virtuti Virtus rependebatur. In posteris sanctè & religiosè viuendi, plurima sunt argumenta, plures illecebræ. Multum naturæ, ingenioq; suo debent, summum virtuti. sed Serenissimorum Maiorum imagines, multum etiam suo sibi iure vendicant. Ex atrio in pectus suum Boleslaus Kriuoustus, è pariete in animum, transfudit imaginem Parentis, vt quid sanctè agendum esset, quid fugiendum, moneretur è vicinia. Alexander Macedo id vnum metuebat, ne Pater orbis terror esset: capere spoliū malebat, quàm accipere hereditatem, flebat in summis triumphis; toties captiuabatur animo, quoties ille vrbes capiebat. Sola hæc cum Parentibus licita & honesta contentio, certare de Gloria, etiam vincere. Nolim hic Catonis præcepto cedere Maioribus, aut parcere Minoribus. illi meritis, Gloria, superandi; hi ita relinquendi, vt plus de paterna virtute accipiant; immò tantum, vt totâ vitâ sanctissimos esse, sola Patris æmulatione oporteat. **ILLVSTRISSIMÆ TVÆ DOMVS** Gentiles ita omnes vixerunt, vt qui primus in familia erat, in virtutis regno non aduena, sed Ciuis, non peregrinus, sed Patritius, dici potuerit. Vtinam & otium mihi, & Vestræ Ceræ ad manum essent! arcana generis Vestri celerius quàm Cereris vulgarem. quanquam, si origo vt quæsitū, ita inuentu difficilis esset, antiquitatē argueret; æternitatē, si impossibilis. Dubitasse vniuersum Regnū, cum nihil magis sciat, crederem, imponeremq; ignorantiam, si docere vellem. Maxime suspectam facit originem Nobilitatis iactatio; si quis sollicitè affirmat ingenuum se esse, meruit vbi genitus sit interrogari; quod non sit, nisi in peregrinis. Nisi ego Reges Polonia non a Religiosis **PIASTIS**, a sagacibus **PREMISLAIS**, a Sanctissimis **IAGELLONIBVS**, deriuatos esse dubito, facile in linea vestra errauero. Ignorauerim prius **VITOLDOS**, Cruciferorum fulmina nesciam fuisse. Magnum erat in **VLADISLAO IAGELLONE**, animum hostilem contra Polonos exuere, maius amicitiam offerre, maximum vnire Florentissimam Regno Prouinciam. quale tandem, deposita feritate induere humanitatem? abiecta superstitione, veram Religionem agnoscere? colere? delere sanguinem è cæde innocentium, adhuc in manibus stillantem, aquis lustralibus? ita demum viuere piè ac religiosè, quasi non esset illecebra ad libidinem è consuetudine peccandi, nec recrudesceret furor tot antè cadaueribus sagi-

natus.

natus. summum hoc IAGELLONIS VLADISLAI erat: hodie
adhuc Vestrum. Memoriae proditum est, vnam Fabiorum Familiam
impetrasse apud Remp: Romanam, totius Ciuitatis contra hostes o-
dia; deuota pro incolumitate Patriae pectora, exercitum fecerunt è
se ipsis. vno praelio victores cecidere trecenti. bustis suis altius Roma-
num nomen fecerunt, Vrbi palmam, sibi cupressum, Imperio lumen
suis Vmbris attulerunt. Quidquid in Regno triumphorum est, quidquid
in magno Ducatu Lituaniae, Vestrae Familiae non auspicijs modò, sed
vi & robore paratum: assidua armorum tractatione fecistis, vt nec
milites meliores, quàm è Vestro Equo descendant, nec Imperatores
magis industrij, quàm Equites Vestri. vnus Familiae Viri hoc est IA-
GELLONICI sanguinis, VISNIOVIECH, KORECH, OSTROGIEN-
SES, ZBARASSIENSES, PRINCIPES; Moschos, Tartaros, Suecos,
Turcas, domuerunt. quot Heroas nominavi? quot adhuc tua luce vi-
deri se non sinunt? Pedetentim illustrissimae Familiae Tuae atrium in-
gressus, video non iam stantes in curribus Æmilianos, aut naso ca-
rentem Galbam, sed Ceras adamantinas, & imagines non fumo-
sas, sed aut sudore, aut sanguine elutas. Nihil de fumo, omnia ex
optima immortalitatis & honestissimae contentionis fama. Dij qui-
dam terrestres, aut homines caelestes esse videntur. Quomodo me in
primo ingressu, adeoq; in ipso limine pendentes Cerae suspendunt!
quomodo magni Manes Illustrissimaequæ Vmbræ tenent! ne quid irre-
uerenter dicam, inurbanè faciam. De cælo VLADISLAE IAGELLO
annuis, & veniam temeritati meae facis, quam in Crucigeris castiga-
sti. Cerno te Gruneualdi iactare spolia, ridere Teutonicum fastum,
& quos hostis obtulerat procaciter gladios, in iugulum eiusdem,
acuere, iustâ iracundiâ, cote virtutum. Quis ille Vladislaus ad Var-
nam! minor capite, sed non Gloriâ: adhuc spirat in hostem! magno
exemplo docuit, optimam esse mortem à pessimo hoste, & pro bona
causa neminem posse malè perire. felix si frequentius daret præ-
cepta, quàm exempla. florem ætatis purpurâ sanguinis intinxit, &
licet sibi parum, satis gloriæ & immortalitati vixit. Fecit sibi egre-
gium abeundo è viuis comitatum, cæde Turcarum: & vt illustrior
esset, inter multas vmbra hostium comparuit. Inter lugubres Polo-
niae lessos, illud vnicum, quod nemo vtilius votum reliquit, non esse
sibi deinceps Reges adeò fortes. In Te CASIMIRE Patrem & Fra-
trem viuos video. alijs Regibus felicior, quòd Patrem & Filium.
Sanctissimum haberes; vnum satis ad immortalitatem est, vtrumque
virtus Tua meruit. Quàm feraci virorum fortium regno imperares,
demonstrat numerus Filiorum; quàm dignus regno esses, dubitare ne-

mo potuit, cum, dignissimos Reges, Hungariæ, & Poloniæ genuisti. Vnus omnibus orbis non sufficebat, ut debuerit innocentissimus Filiorum CASIMIRVS Regnum cæleste occupare. flores mihi loqui videor non verba, postquam CASIMIRVM nominaui, Philippo summa gloria credebatur Alexandrum filium reliquisse, quale erit CASIMIRVM? Ab orbe concusso extorsit encomium triumphans Imperator, CASIMIRVS suas laudes, non viles modestiâ, non ferro sed cæreo ad omnem formam virtutis animo, non iugo orbis, sed contemptu meruit. In honestissima apud vniuersum orbem opinione nos reliquit, sanctissimos debere esse, qui Polonis imperent; immo cum etiam Sanctissimi à clauo Reipublicæ eripiantur, solum Poloniæ Principibus par Polorum Regnum esse. Quis ille in tuenda pudicitia pudor? malle cum flore innocentiae, quam cum fructu vitæ manere? Quæ pietas, docere modum pietatis? Quis Virginis Matris cultus, in professionis huius magistro singulari? quid agebat heris singulis, qui Ornini Die in penso illius occupabatur? Quid ALBERTI, ALEXANDRI, VLADISLAI, Filij! Nepotes, qualium Regum! Diuinissimi GASIMIRI Germani Fratres, qualis Fratrî! Quid SIGISMVNDE quot? quàm præclari? Ille primus initio Ordinis & virtute! Tacete Romani Augustos, Nostra res est, Vestra Nomina. Kalendæ Sextiles Augusti SIGISMVNDO II. Nomē dederunt, Augustum fecit libertas Polonorum verè Augustalis, Romanæ par, nullâ minor. Ultra fines Regni Baltimque vocor, ad carcerem inuitor, ad Tuas SIGISMVNDE III. cunas; ne citò ad gloriam evolarēs, non vteri modò materni claustro, sed vestibis quoque & feris carceris inclusus tenebaris. ne citò ad messē & fructum adulesceret MANIPVLVS, solem illi inuidia eripiebat. tantum in illis, & ex illis vmbreis eluxit, ut serenitatis radios non Poloniæ tantum, sed toti Orbi diffunderet. nullas facilius, quàm Regum calamitates DEVS, & fortuna vindicauit. Ita SIGISMVNDE III. Onunquam satis memorandum Nomen! toto septentrione, etiam vbi longissimæ sunt noctes, in Suecia eluxisti, ut optimum Succî Regē viderent. vitam cum posses periculis eripere, donasti, magno clementiæ Regiæ exemplo, libertatem. Imperare Rex sanctus tibi nolebat, vbi locus veræ religioni & negatus esset sanctitati. magnam hereditatem reliquit, ius armis suis assertum. ita vixit, ut tempus Regni sui, non annis sed pugnis, sed victorijs, sed triumphis, distinguemus: ita mortuus est, ut si quàm longissimè viueret, sperare potuissemus tam diu triumphos, quam diu aliquid vincendo superaret. O semper felicia Nomina Polonis VLADISLAI! in vno VLADI-

SLAO IV. estis omnes, vel Maiores, vel Posteriores. Hic ille Asiae Terror, Septentrionis fulmen, Polonus Hercules, Mars Europaeus. Adolefcens petulantis Lunae cornua, cui ad plenum orbem una Polonia desiderari credebatur, ita ferro diuifit, ut Noua uifa fit, quae ad Plenilunium properare putabatur. Spes omnes Regni una fecum ad limites edu- xerat, diluuium totius Asiae, suo pectore aut busto, aggerem fafturus. Vi- debatur illi non OSMANVS, fed AMVRATHES: non ad Choci- mum, fed ad Varnam putabat fe fixiffe tentoria. Nunc Militem, nunc Imperatorem agebat, & magnae uirtuti, quam in arenam educebat, OSMANI iugulum dignum ftipendium pollicebatur. Ita tum ferrum pio dolore, & iufta iracundia limaui, ut licet MOSCHI duriffimam cerui- ce infingeret aciem, nunquam in Turcarum iugulum hebetaretur. Quae in alijs ipfa mora deferuefcunt confilia, nutriebantur in illo, longo fi- lentio; & non nifi tum in vulgi aures peruolarunt, cum a Valachiae limitibus uno paffu aberat VLADISLAUS. Ita aequum Numen Supremum eft, ut eas manus, quas a vindicijs VLADISLAI ad Varnam crudeliffime perempti auocauimus, in iugulum noftium conuerterit. Habet VLA- DISLAI fortuna etiam hanc felicitatem, non potuiffe Regnum fe uiuo, nifi quietum effe: animam illi eripuit, poftquam DEO fuam reddidit. Quid ALEXANDRI? quid ALBERTI? etiam mortui in ore omnium funt, in animis egregium atque perennius aere habent monumentum. Te Sereniffime CASIMIRE feliciffime regnantem aemulari Parentem & Fratrem uidemus. Artem regnandi turbulentiffimo hoc tempore, ut optimi Reges folent, exerces. Tot tempeftates nunquam gubernacu- lum excutient. quidquid de Te iam lumnum dixero, minus eft eo, quod in prouida mente descripfifti. Praeclarae Tuae res geftae etfi multae funt, nondum totae; recens illarum memoria accuratior eft apud di- gnos Patriae Ciues teftis, quam mea oratio. Dabitis veniam Sereniffi- mij Reges, mutuare a Vobis fuas laudes Principes CZARTORYSCIOS, quibus Regium Sanguinem Maiores Veftri dedere. Etiam in Te Il- luftriffime Princeps non peccaui, nifi, quod gratiffimum folet effe apud humaniffimos, bene merendi ftudio. Quidquid comendationem a ueritate habet, a fide publica authoritatem, loqui me non poenitebit. in quocunq; tandem aequitatis foro, facile ftylum meum tuebor, Au- thenticis tabulis, vel Regum Oraculis. Ab Equite Tuo ad Aquilas prouocaui, ea prorfus, qua VLADISLAUS IAGELLO in nidum Sar- maticum euafit, uia. ut magis ueloces, uti par erat, Principis Sarma- tici, curae effent; fatigatum cataphraeto milite Equum, commutauit cum Aquila. nimirum non tantum currendum, fed volandum erat per immanfa Regni fpatia: permutanda calcaria, cum pennis, vel vnco,

E

Equus

Equus cum Aquila, miles cum Rege. Cæterum ita integra Tibi
Tuisq; Serenissimorum Ducum Lithuaniz mansit tessera, ut here-
ditate prorsus à VLADISLAO accepta fuisse videretur; ne cui dubium es-
set, publicis tabulis consignatum beneficium hoc Regum Poloniz,
Domi Vestræ habetis. ea verò summa votorum est, apud Reges
non inuitos tale beneficium mereri. Per ducentos, & quod supe-
rat, annos, Familiz Vestræ tot ornamenta quot viri, tot summi
quot Maiores, ab Olgerdo IAGELLONIS Magni Parente, longà, nun-
quam tamen interrumpà serie, viri viros excepere. duodecem Filijs
postquam Lithuaniam cumulasset, in vno quoque plurima toti
Poloniz, & magno Lithuaniz Ducatui reliquit beneficia; gentem pœ-
nè Fabiorum, Patres Patriæ, hostium fulmina. Quis ille Theodorus
CZARTORYSKI Luceorienzis æquissimus Gubernator? in vno Viro,
quot Marcelli, Scipiones, Camilli? ita suam Spartam exornauit, ut ho-
dic Luceoriz munimento sint sua beneficia, alij necessarium putant
ditescere Reipub: Patrimonio, ille diuitem fecit Luceoriam. ALEXAN-
DER CZARTORYSKI Palatinus Volyniz, Patris gloriam superauit: Virtus
utriq; ex æquo. In arce consiliorum, quod saluberrimum, non quod
liberrimum, locutus; meditatam in conscientia dicebat sententiam. In
Senatu publica priuatis, vel odijs, vel amicitijs miscere, nondum
erat ars ætatis illius. fiebat è Curia Regis Capitolium, è Senatoribus
Areopagus. Fidem & orationi meæ, & illius virtuti, fecit ex Filia Ne-
pos, ILLVSTRISSIMVS PRINCEPS GEORGIVS; nostrà memorià ad æternam
recordationem, è vita in flore ætatis, Patrià inuità, decessit. Venio
ad Tua propius. HIERONYMVVS CZARTORYSKI nomino Proauum Tu-
um Paternum. consilio & armis promptus, non verba in laude, sed
præclaram de se Regis Augusti opinionem habebat. summa enim
laus est, dignum difficillimo Patriæ obsequio existimari. Cætera laudis
& gloriæ merita sunt, illud stipendium. Quem tandem bello cum
Moschis, animo simul & solo frigidissimis, toti Palatinatui Kiioui-
ensi præfici oportuit, cum iure & potestate armorum? Virum o-
mnino militarem, prudentem in consulendo, strenuum in agendo, in-
dustrium in perficiendo. vni homini non vnus tantum Kiiouiz, sed
omnium Polonorum salus credebatur. HIERONYMVVS CZARTORYSKI tot
priuilegijs dignus, Regi & Reipub visus est. IANVSSIVS CZARTORYSKI
Illustriissimi Parentis Tui Patruus, quid in Moschouia egerit, quot igni-
bus Moschouiticum gelu adufferit, eodem teste quo Imperatore ute-
batur STEPHANO BATHOREQ. vtriusque virtus spectatissima, & sine suspi-
cione alterutrum testimoniū. Neque IANVSSIVS, nisi cum strenuissimo
Imperatore militaret, neque STEPHANVS, nisi cum fortissimo milite. At

nul-

nullum magis viuum testimonium fortitudinis est, quàm à mortuo:
nullum in Remp. beneficium maius, quàm vitæ suæ heredem face-
re: abire è puluere Martio, ad Cineres; & in sanguine vel suo vel ho-
stium, ad portum immortalitatis nauigare, & summum est, & Ve-
strum est. Multi illustrium Familiarum malunt se Patriæ seruare,
quàm dare: Vestrum est, existimare feliciorē esse mortem in pu-
gna, quàm vitam in fuga. Poenituit Mortem eripuisse ei vitam, qui
tot Moschorum cæde, Manes inferos cumulasset: sua se falce tum ma-
ximè læsit, cum illum occidit. Quamdiu Pskouum Polonorum erit,
monumentum gloriæ Vestræ, Vos Poloniae statores eritis. Quocun-
que Poloniam iustitruero, video vestigia Vestri Equitis, audio sonare
arma, non intentare modò ictum, sed infligere vulnus. Martio poenè
vultu & passu incessit GEORGIVS CZARTORYSKI per Liunioniam, & Va-
lachiam, per cadauera vel Succorum, vel Moldauorum luctatus, as-
surrexit, donec verticem cælo intulit. Intueri dum licet ILLUSTRIS-
SIMVM ANDREAM CZARTORYSKI Virtutis Paternæ heredem. fateri ne-
cesse est, non posse bonos nisi optimis nasci, fortes fortibus. Iniu-
riam me facere tot alijs Illustrissimis Vmbris existimarem, si Histori-
cus essem: excusationem ex ipsa charta habeo. necessarium est bre-
uem & compendiosum esse, in summa virtutis. In animis, in fastis
Polonorum estis: tot priuilegiorum, quæ in Archiuo Vestro sunt,
aut Historicorum nostrorum, Stricouij, & Paprocij, cæterorumuē ama-
nuensis non ero; impleuistis non paginas, sed libros. ILLVSTRIS-
SIMVM PARENTVM CASTELLANVM Volyniæ venerari silentio non debeo;
apud humanissimum, qualis ille est, non merentur gratiam muta-
officia. Habet hoc VESTRA Illustrissima Familia, quod & sol, singula-
re. etiam parietinas intrare, exire ex aulis in porticum, obuium esse
accedentibus, salutare, alloqui: & his quos reuerentia aut elingues,
aut balbutientes facit, animum addere, suggerere verba, humanissi-
ma vel oratione, vel manu: vt non accipere videamini dexteras, sed dare.
hoc verò quàm Regium sit, oscula nostra docent. audeo, accedo. si for-
tè dignissimam canitiem verecundia laudum asperlerit, veras faciet: quod
si offendi Oratori importuno volet; prius sibi, prius conscientiæ, prius
rectè factis, quàm mihi necessariâ omnino apud bonos culpâ imputa-
bit, laudare. Habeo aliam obsequij mei veniam, famam publicam; ne
dissentire videar tacendo, loquor & sentio cum multis. ILLUSTRIS-
SIMVM PROGENITOREM TVVM hac nostra hoc est calamitosa ætate, aurei secu-
li testimonium, non in verbis, sed in vultu, oculis & fronte; non in
iactatione veterum annorum, sed in feruore recentium virtutum, re-
gno isti dedisse. sola indulgentia senectutis est, indulgere animum.

Recip.

Reipub. curis, animam Christianæ pietatis officijs. florentissimæ putantur opes, quæ sufficiunt: cùmque multum de auro sit, nihil de fame auri. Illæ magnæ diuitiæ, nihil debere, inter seruos nullum creditorem habere, nullum in comitatu circumferre. Omnia summa minimis officijs probantur; & maximus est, qui scit eminere inter Principes, non apparere inter mediocres. Illius est inter domesticam suppellestem, fictiles pauperum urnas numerare; excipere hospites cùm venerint liberaliter, inuitare contentiosè, nunquam domo pauperes dimittere. non rogatur beneficium, sed in vno dantur duo, quoties postulationes præueniuntur. non vult esse pretium verecundarum precum benefacta; magisque beneficium accipi, quàm dari videtur, si quis petat, si quis accipiat. nunquam excusata occasio, nunquam dissimulatione inuoluta; libri beneficiorum non scribuntur; minorquæ est ratio dati, quàm amissi. Hæc Tui Illvstrissimi Progenitoris decora sunt, hæc Familiæ ornamenta, hi colores Imaginum, & Cerarum. licet ille iam omnes sine molestia virtutes exercuerit, mihi scribere omnes, opus esset inter magna summum, inter omnia singulare. deligere, eorum est qui scribunt, non qui faciunt. Fecinecessitate, quod arte facere solent, ex Apellis classe Pictores. facies illi, & summa capita confertæ multitudinis exprimunt, corpora confundunt, & quo rariora sunt simulacra, frequentior est numerus. O quantum ultra Vos Heroum latet! ex Te vno Illvstrissime Princeps disco omnes. Bene in Tua Theologia, cuius sapientissimus Doctor es, nosti Angelorum species magis vniuersales esse. rerum etiam contrariarum formas, etiam materialium ac spiritualium repræsentare; dedisti in Te compendium Maiorum Familiæ, succum sanguinis. Philosopherum doctrina, quotidiana experientia est, maximè in matrum mores formari filios. Nisi Illvstrissimus Tuus Genitor Sanctissimus esset, Maternam in Te regnare pietatem agnoscerem; nisi fortissimi Aui, Proavi Paterni, constantiam animi è Korecijs Principibus, è Matris sinu & lacte accepisse, existimarem. Adhuc ab Orgeldo commune Tibi cum KORECIIS, VISNOVIECIIS, ZASLAVIENSIBVS, OSTROGIENSIBVS, ZBARAVIENSIBVS PRINCIPIBVS Genus; ex vno fonte in tot flumina diuisi estis, vt in summa Patriæ siti, futuræ sint Vobis vel in sanguine natæ deliciæ. Tantumnè KORECIOS nominabo? illud Nomen quod cantare inter opificia artifices, inter studia & libros Scholæ, in hibernis & æstiuis milites, in aquis Tritones solent! Etsi nemo silencio peccare solet, crimen hic est taciturnitas: ipsi muti quod Nomen, toto orbe decantatum non loquuntur, miraculum est. BOGVSSIVS

KORE-

CKI Illustrissimæ Genitricis Tuæ Auus, quantus & qualis **Palatinus Volyniæ, Regni Poloniæ Senator**. Quæ bella gessit? quot palmas tulit? **Lacessiti Tartari, tentati Turcæ, Valachia, Bulgaria, peragrata; Borysthenes, Tyras, Hypanis, & Prutus, turbati. Crimea adita, territorium Oczakouum, visa Theodosia, & metu victa. tota Russia catenatis Turcis, vel Scythis personabat: tota Polonia triumphis.** Odiā nunquam contra barbaros deposuit, nisi in morte; nunquam arma exiit, nisi cū exueretur ē vita. Tunc etiam sui non immemor, odia in **Ottomanos** hereditate Filiis, totiquē **KORECIORVM** Familiæ reliquit: ut cum nullo nisi cum **DEI** hostibus inimicitias exerceret. Vnus omnium cū nomen illustras, obscuras etiam **SAMVEL KORECKI!** Poloniam vniuersam captiuam detineri illa turri putabant Barbari, quā Te inclusum tenebant. Etsi lucem non videbas, faciebas tamen. Te viuo securam non putabat fore Tyrannidem suam **OSMANVS**; non prius **Constantinopoli** ille, quā Tu viuis exclusus es. O verticem, ad cuius conspectum **Asia & Africa**, magna pars **Europæ** in **Moschouia, Suecia, Bulgaria, Valachia**, extimuit! Viuis in manus hostium delapsus, manus & pedes vinctus, libertatem animi pœnē Poloniam **DEO, Religioni**, consecrauit. Promittebantur a perfidis præfecturæ militares, Purpuratorum decora, proponebantur tot aliorum transfugarum a sacris Patrijs exempla. sed vinciri manus, animus vinci non potuit. Ut solent aduersa aperire animi oculos, cæcum Schisma, in arce eiusdem, hoc est **Constantinopoli**, perosus; sacra rustica in **Nobiles Latinorum ritus**, commutauit. Tentabatur vario tramite fortuna, si quo modo **SAMVEL** euadere ad suos, iam secundò posset. Frustra erat pro debito cælis animo, mortalium contentio. illā ipsā, quam præferēbat, animi generositate, blandā beneuolentiæ conciliatriculā, accendebat furorem barbarorum; sola Virtus crimini dabatur: at non inultus; postquam fortitudini suæ & inferis litasset cade barbarorum, ut solent fortes, victor, magis sua fatigatione, quā imbellium parricidarum vi, concessit. Ego **Attilij Reguli**, liberrimi apud **Cathaginentes** captiui, dum fortitudinem mecum ipse cogito, **SAMVELEM KORECIVM æmulum illi gloriæ** video. **ILLVSTRISSIMI PROGENITORIS** Maternum genus, **Tuos Auos**, silere non debeo; sed dignè loqui, si omnia percensere numerando voluero, liber non capiet, librum manus. Etsi me laboris & industriæ meæ pudet, non pœnitet fortunæ; incidisse me in eam scribendi materiam, in qua nulli res defutura sit, sed omnes rebus. Vos **ILLVSTRISSIMI PRINCIPES KORIBVTI VISNIOVIECII** dum nomino, **Poloniæ Orbis** assurgit **Orationi meæ, & serena fronte memoriam virtutis Vestræ gratam esse**

F

testatur

testantur. Polonia, dum calamitosa est, Vestro nomine erigit animum: tantumque illi spei est, quantum Vestri. Religio Catholica, nomen supremæ maiestatis, ad carorum pignorum memoriam, toto viscere subfilit, & dum in sinu habet, habebit autem semper, bona spe se lactat. Nemo hactenus hostis Regno huic Reip. quæ fuit, qui inimicitias cum VISNIOVIECIIIS non exerceret. Numerare omnes nolo, Regni hæc arithmetica est; non reuocabo in memoriam Maiores. ILLVSTRISSIMVS HIEREMIAS VISNIOVIECKI omnium compendium & summa. Patieris Illustrissime Princeps detineri Te longius in ILLVSTRISSIMORVM VISNIOVIECIORVM IMAGINIBVS: scio enim hæc Ceras viscum esse animi Tui. Te primum, quoniam propior cælo es, intueor VISNIOVIECKI KORIBVT, ex vnco Constantinopoli pendentem. leue omnino pondus terris, graue Turcis! Tanti Poloniæ vniuersæ clades hæc constitit, vt non Cuiem, sed Patrem se amisisse senserit; non vnum strenuum militem, sed exercitum. Iam quis in Equo Vir fuerit, documentum dedit in vnco: quis in campo & puluere Martio, Bizantinæ Regiæ area testabatur. Vnum à Barbaris beneficium moribundus postulauit, facere experimentum, quis vigor animi in enecto corpore esset, permetterent. Arcum & sagittam, vtraque sua, postulauit. qualem arcum! Apollo ipse neruum non flecteret: accepit, lunauit, & metamquam in pectore vnus Bassæ sibi defixerat, dum in meta vitæ est, confecit. O manum! ô arcum! ô animum! ô virum! miraculo par erat, potuisse talia semimortuum; maius miraculo, neminem ex satellitio Barbari Principis, cum omnes tentarent, paria potuisse. IOANNE CASTRIOTTO, Turcarum fulmine, Christianorum Scipione, è viuis sublato, capta Epiri vrbe Lyssa; arma fortissimi Principis, vnâ cum Cineribus, in manus venere Barbarorum. fecerunt reuerentiam Turcæ ossibus, aderat in animo præsens, experta Castrioti virtus, & adhuc ex umbris, terrebat noctuas. Gladius ad Imperatorem delatus, non ille esse putabatur, quo SCANDERBEGVS plura millia Turcarum sua manu necauerat. Nemo erat qui stingeret, nemo qui vibraret. ita graue est, quod contra Religionem stringitur: pro bona causa, pro DEO, plumbum etiam volat in manu. Et si huic Regno amisisse VISNIOVIECII arma, ingens damnum est: mansisse virtutem & manum opinaridebemus. sæpe cum Regno Poloniæ Imperatoribus Constantinopolitanis controuersia de agro fuit. nobis solitudinem Vkrainæ vindicantibus, illis repetentibus. fortissimi Fæciales Visniouieciij, litem fundo suo diremerunt. Non prius Regni limites circumscripti, quam Bersada deleta. Alij multi quia longè a Scythis positi sunt, felices se ali-

ena trepidatione putant; Visnouiēcij viciniam cum Tartaris habent:
non campos tantum communes, sed fluuios; nec Borysthene aut Ty-
rā defendi se putant, sed sua virtute. In TE ILLVSTRIS-
SIME HIEREMIA VISNIOVIECKI Terrarum Russiæ Palatine, Maiorum Tuo-
rum non umbram, sed lumen video: quamuis fecisse videris umbram,
aliquam maiori luce Tua. collegisti omnia Maiorum decora, & in
Poloniæ, totius Europæ, vniuersi orbis theatro, fecisti scenam,
Te Actore, plausu orbis dignam. Prima militiæ rudimenta sub au-
spicijs Auspicatissimi Regis VLADISLAI IV. contra Moschos dedi-
casti, vt Tyro quidem ætate dici potueris, veteranus fortitudine,
scientiâ & virtute Imperator. non alienis præceptis, sed Tuis impe-
rijs, non offensionibus belli, sed victorijs, sed triumphis, omnis ætas
sequens traducta est. vtinam mihi digna Te, digna rebus quas gessisti,
contingat oratio! A decimo octauo anno ad eam ætatem, nusquam
nisi in Equo, nunquam nisi armatus: in summo frigore hiberna, in
feruentissimo æstu æstiuæ. Quanta religio in Te sit, docuisti in schismaticis;
quanta libertas, in seruis; quis amor Patriæ, in hostibus. vereor ne ad
inuidiam dicam, quæ Tu ad Gloriam fecisti. Plinio interea non
indiges, cum Liuios fatigas. Scio ILLVLLVSTRIS-
SIME & REVERENDIS-
SIME PRINCEPS, non ingrati-
tam fuisse Illustrissimi Principis HIEREMIE memo-
riam digressionem ista, non longè à Te recessi. immò cum ad Tuos
venio, Domi Tux me morari existimo. Habes in Tuo Illustrissimo
sanguine, velut in alueo, tot Illustrissimarum Familiarum riuos, suæ
gentis decora ad Te velut ad Portum virtutis voluentes. Ita Familiæ
Vestrx obærata est Polonia, vt tot sanguinis Vestri merita, ex asse sol-
uere non posse, debere tamen se fateatur. Vos quia humanissimi Cre-
ditores estis, merita vestra maximè ab ijs rependi existimatis, qui li-
benter se debere profitentur. Maioribusné Te Tuis, an Tibi Tuos ma-
iores gratulabor? vtrūquæ Tuum, vtrumquæ Maiorum est. Te talem
genuisse, Maiorum: tantis Maioribus dignum esse, Tuum est. at Tu
non accepisti tantum magnum genus, sed & fecisti: maioraquæ Do-
mi Tux merita deposuisti, quàm acceperis. summum est, at in pes-
simo, bene natum esse; in optimis casus putatur. gratum tamen est,
vt omnia ea, quæ prospera fortuna dum amittit, nos inuenimus. No-
bilitatem ex Te ipso sumeres, etiam dares. semper Tu in Maiori-
bus Tuis virtutem magis spectabas, quàm sanguinem: sanguinis pur-
pura, eundem colorem in omnibus habet; differentia Familiarum
poenè magis est à vita acta, quàm ab accepta. Gentilitiæ tessera o-
culorum insignia sunt, virtus animorum: illis inter nos distinguimur
& cognoscimur, illà apud DEVM. vniuscuiusquæ Familiæ laus non

in mul-

in multitudine consistit, nisi fortè culicum & muscarum: magis attenduntur boni, quam plures. sæpè in optimo posterorum omnes Maiores videntur, & è pèssimis omnibus ne vnum quidem è Maioribus optimum componas. Nulla tamen magis necessaria posteris virtus, quam Maiorum, reliquæ liberæ sunt. Vnius DEI Optimi Maximi vera Nobilitas, sine Maioribus est. tamen ambitio æternitatis in nobis facit longè antè deriuare genus, longè post promouere. Omnia de Tuo armato EQVITE ingeniorum commenta dicere, mei non est ingenij. velocissimæ licèt cogitationes sint, & ipso Mercurio magis alata, EQVITEM istum assequi, tenere frenum, cohibere impetum, eximere ferrum, exuere loricâ, non possunt. nimirum illæ leuissimæ, hic ferri pondus habet. Tacete Pœtarum fabulæ alatum ad immortalitatem Equum esse oportere; Cataphractus necessarius. Nihil hic inermis fortitudo, nihil pedes virtus, proficiet: Patriæ scutum, pectus esse iactatis? chalybs pectoris scutum. ferrum de manu quis abijciat? hostes in Cursu Olympico tot sunt, quot æmuli. Inermis Eques promptior est ad fugam, Cataphracto aut vincendum, aut moriendum. Non est Equus gradarius sub milite: in pede magis agilitatem, fortitudinem in pectore, generositatem toto corpore circumferat: nimium celeres Equi, tabellariorum sunt.

Q Vis se citato fert sonipes gradu
Ad bella natus? non fugientium.
De stirpe pullus, sed seueram
Fronte refert rigida Parentem.
Cum rauca Pugna dat sonitum Tuba,
Assurgit, altis auribus inquires:
Vt frena spumofus remordet!
Hinnit ut! inter ut arma ridet!
Illum minantem, fortior increpat
Vrgetque sessor: nunc genibus, modò
Collidit armis: inde frontem.
Mulcet Equi, modò voce promptas
Irritat aures. splenduit ut ferum.
Bellator enses: quis furor? aut Equi,
Ad bella currentis? fugatos
Aut Equitis furor inter hostes?
Quantos tumultus cerno cadentium.
Hinc inde Bessorum! hinc rigor Arcticus
Geluque mentis Moschus imman.,
Fronte petit moriente terram.

Illud recepta cuspide, intimo
Letale ferrum, pectore traiecit:
Hic dextra cum telo recisa,
Colla suo hic viduata trunco.
Plures in una viscera peruij
Luctantur hasta: vulnera vulnere
Adduntur, ac ingens cundi
Porta vias aperitur Orci.
An non vetustum Bucephali genus
Seruasse credam? Natus Equus greges
Qualem virili perdomabat
Harpalice generosa freno.
Partem Poloni discite gloriam,
Seruare campo: fidere mœnibus
Non nostra laus est: ritè clausis
Quando Phryges periére muris!
Bellona clausis funera duplicat
In arce turmis: repit iners pigra
Testudo mortis: surgit uno
Ex acie Libitina puncto.
Fiet sepulchrum, quod bene condimus,
Carcerque virtuti, Arx fugientibus
Extrema restat, Arx asylum,
Indecoris fouea alta pugna!
Primum virorum tela periculum:
Fortemque fortis dextera militem;
Cuniculosus, ritè doctum
Murus enim probat architectum,
Magnæ sub ipso nidificant Ioue,
Palam volucres, sed timida Lari
Tectoque fidunt, ne Columbae
Progenies perimatur unco.
Nolim Polonum credere mœnibus
Vrbique Martem, venit Eques Lechus,
Nudusque nudos hospes agros
Imperio tenuit recenti.
Ostende vultum, dum iuuat, hostibus;
Ostende virtutem: eminus omnia
Ignota res sunt; fac Polonum,
Hoste virum propiore cerni.

*QVis me futuri conscius impulit?
 Phœbusne? vel quis præteriti refert
 Arcana mundi? quæ virorum
 Signa Ducum reuoluta cerno!
 Jam per Gelonas Sarmatici iuuat,
 Errare Lunas, fulgur acinacis.
 Vittata demetuntur ense
 Colla, rudi velut herba falce.
 Rursus pudendis, non sua Thracibus
 Erepta tellus Moldaua, Sarmatæ
 Donatur heredi: Polono
 Tecta foco Rhodopœa fumant.
 Jam Varna Regis conscia funeris,
 Dudum merenti funere vapulat:
 Redit Trapezuntum, pudenda
 Quâ fuerat malè fraude captum.
 Io! sed ultra, non reuocabilem
 Eques gradum fert! prodigus impetûs
 Fraquæ, Bizanti nocentes
 Calce sonat, quatiente portas.
 Patent apertis, qualibet ostijs,
 Non usitato Thracibus hospiti:
 Io! fatigatum reuictâ
 Victor Equum religauit arce!*

VENIO ad Virtutes Tuas Illustrissime & Reuerendissime Princeps,
 & quanquam sine imitatione sunt, accedam. Scio Te, cum
 maximè sanctus esse velis, minimè velle videri. Nimirum vbi
 in pretio virtutes, absconduntur: vbi veræ, habent pretium. Qui in
 ore suas virtutes habent, locum illis in conscientia non relinquunt.
 leuiter nimis æstimant, cum plausu humano vendunt, quo nihil leui-
 us. Etsi plurimi fures Virtutum sunt, si quando intereunt, non est fur-
 tum, sed scelus sine nomine! quod ignorantibus & inuito accipitur;
 furtum est: quod scientibus & inuito, rapina. Nobis virtutes nostræ non
 imprudentibus aut inuitis, accipiuntur, non eripiuntur, sed dantur,
 immò eiiciuntur! Exercere virtutes non est ostentatio: sæpè solo situ
 vt aqua immota sordescunt, quia omnis illarum laus in actione con-
 sistit. Etsi pretiosissimus animi mundus, & cæli ipsius indumenta sunt,
 non est parcendum vsui: non enim deteruntur, quoties animum indu-
 imus: immò vt aurum, splendent ex vsu. Quidam ita delicatas, pueri-
 les dixisse debui, habent, vt leui oris halitu scoriam contrahant;

ita leues, vt digito moueri possint; ita subiles, & teneras, vt telis aranearum facilius rumpantur. Facillimum est intelligere, quid sit virtutis solidum, cum vel in solo colore, tantum est pretium. Omnia humana summum in vsu periculum habent, & rarum est, quo tantum vti, non etiam abuti possimus. quo vitam tuemur ferro, quid melius? alienam per summum scelus eripit, quid crudelius? Quid non malo vsu bonitatem amittat! etiam venenis bene vti, salubritas est; male nutrimentis, mors presentissima. Omnibus humanis vel vsibus, vel casibus, eminet virtus: nemo illa vti male potest. Nulli periculosius, quod aiebat Augustus, quam qui aureo hamo piscantur. Maxime illis, qui ad Petri Piscatoris & nauem & retia pertinent, periculum est aureo hamo piscari, nisi forte rationales pisces, cum in sinu pauperum miseratio deponitur. Scio contemptu honoris, contemni virtutes: sed ab ijs, qui nihil in ipsa virtute honoris esse arbitrantur. at tantum est, vt honor ipse reuerentia dignus esse non possit, nisi virtutis filius sit, vel Pater. Afferenda non offerenda virtutes, in campum ambitus; nec ad licitationem deponenda, quod fieri solet ab ementibus. nam plerumque fieri videmus, desiderari postea virtutes, quas ad nundinas attulerant, scilicet pretium Honoris. Paupertatis summum indicium est, numerare virtutes. ibi summa opes, ubi ne vna quidem ab eo qui habet omnes, esse existimatur: o ingenium virtutis! nullam dicere, habere omnes, nunquam est mendacium! verum nullibi alias, cum hic etiam virtute male vti non possumus. illi, qui se habere virtutes iactant, mentiuntur; si quis maxime neget, cum adsunt, nunquam. Veritati imponit! nimirum aliter virtus loqui de se ignorat, nisi silentio. & frustra loqueretur, ubi eloquentiae partes, ipsa opera & actiones sibi vendicant. Certum vna tolerantia iniuriarum, cum maxime silet, loquitur se esse; cum maxime nihil agere videtur, negotiosum habet otium. **TVÆ ILLUSTRIS PRINCEPS** partes egregie à Te sunt impletæ: nunquam Tuas virtutes nisi exercendo commendasti: nunquam ita exercuisti, vt fructum alium, & præmium, præter virtutis incrementum quæreret. Nostrum est mirari: quanquam illud etiam ad Te pertinere videtur, vt permittas perconsidere. vereor ne succenseas, rationes animi Tui computari, vel, si irasci non soles, discas primum feliciter in panegyri. Quidquid egeris, mouere non poteris Te, sine virtutis vestigio. & irascaris sine indignatione, & dabis, quod merui stipendium. Ego verò felicem me existimauero reum, Tuis virtutibus vapulare: Te nouum vindictam, Tuas iniurias non nisi alieno beneficio vindicare. Solent futuræ sanctitatis omina præferri, cum adhuc infantes intra Ma-

trum

trum viscera feruntur. Totius orbis Ecclesiastes Dominicus in utero matris, ad Reuelationem & Lumen gentium facem præferbat. quot alij? quæ? In Te, ut initia ita & indicia sanctitatis illustra fuerunt. adhuc Te orbis non vidit, etiam isti Maioris Poloniæ Vrbi destinabaris. Nondum flebas, & iam aures Maternas circumsonabas. Tum iam Tibi fieri licebat tanquam æsonans, quia futurus eras aliquando aurum optimum. Mater pientissima omnes cæli Zephyros attentissima cogitatione obleruabat, & mox concentum cæli sibi audire visa est, ac Tibi Genethliam non Astronomiæ, sed DEI ipsius oraculo parari. Destinabaris Ecclesiæ Catholicæ solidum & sonorum æs; non solum sonitu vocis, sed etiam soliditate virtutis. Dormire hominum est, vel maximè tum, cum inimicus homo parat superseminare Zizania; Pontifex ex hominibus assumptus excutiat veterum, maneat in excubijs, ut, si quid fraudis, quid insidiarum est, cauere possit. Nubes istæ, ut Diuus Iacobus ait, quæ circumferuntur omni vento doctrinæ, maximè sibi timent, ab ære, an ore? Pontificio. Stymphalidas aues sonitu ærei crepitaculi, quod à Minerua acceperat Hercules, exegit inde, ubi maximè in humanas carnes grassabantur. Ut tonitruum strepitus, coruscationesque fulgurum, ferre difficulter possumus; ita sonitum Vestrum, dum fulminatis, Hæreses non patiuntur. Scio Doctorem gentium Æs sonans, & Cymbalum tinniens, inter Symbola veræ pietatis non reponere: neque ego, si absque charitate quis sonet. Illæ quæ in turribus templorum appenduntur campanæ, viscera collidere debent ut audiantur, & corde loqui. Persuadent illæ matutinas vigilias, noctes insomnes, adgeniculationes frequentes; & licet minimè gloriam DEI furentur, pendent tamen. Alia est Pontificum & Æris analogia. Parum est excoctum esse igne diuini amoris, conflare in solidum perfectionis opus & sonare. Pastor mutus peior est lupo; nisi vocem audierint oues, ipsa veritate teste, ignorant se habere Pastorem. Monebatur Genitrix Pientissima transferre æs illud solidum in Maiorem Poloniam, ne quid veneficia nocerent. Venisti ad nos, non veneficia fugiens, sed persequens. mutasti scenam in melius, deferis ibi corporum, ut hic perdas veneficos animorum. Audiuius multos ex intimo animi sensu verè libere exclamantes, Talis decebat nobis esset Pontifex Sanctus. Ego, etsi è collegio Augurum non sum, tamen quia optimarum avium augurium (Aquilas intelligi volo in hac præsertim ad Nidum vicinia) habes, Pietatem Virtutesque Tuas, hoc ære, hoc sonitu indicari puto. Quàm bene Horologium vitæ vniuersæ ordinaturus esses, quàm nulla hora, nullum momentum, sine recto cursu; ex hoc ære intelligo. plurimi non æquis

horas

horis diem vitæ metiuntur; longæ quibusdam sunt confabulationum;
conuiuiorû, voluptatum: Orationum, honestorum studiorum, admo-
dum curtæ, pluribus nullæ: horæ somni quam longæ? immò omnes!
quid enim tot hominum studia nisi somnia? tantum spes, nihil rei!
excitari oportet frequentius, & obseruare non magis pulsus cordis,
quàm temporis. Excitatore & admonitore opus est; dies vitæ no-
stræ momenta quædam sunt, tota ætas vnius horæ spatio vix digna,
si cum eo, quod otiosum præterit, comparetur. **TV ILLVSTRIS-
SIME PRINCEPS**, ab incunte ætate tempus obseruare discebas; cogi-
tabas momento æternitatem constare, ita ex vno puncto circumfe-
rentiam immortalitatis depingebas, vel malæ, vel bonæ. Adolescentiæ
inijciebas simul & temporis frenum, & tamen illa tam citò, illud adeò
tardè currebat, vt cum non plus septem annos numerares, ad mo-
res virorum excurreris, in flore & vere ætatis, fructus autumnales præ-
bueris. Erat Tibi consuetudo cum Adolescentibus tædiosa, quos in
contentione virtutis superaueras: Grauiore, quos iam affecutus eras,
etsi verebaris, eorum ramen consuetudinem, quorum naturam indu-
eras, magis quàm Ephœborum sectabaris. Scio Adolescentiæ feruore,
excusari multa, multa ætatis priuilegio permitti. iocos alij, & fescen-
ninos liberius spargunt, & quasi è Lycurgi Lacedæmone essent, non
è **CHRISTI** Regno, cum maximè mordent, caninos deterere videntur,
teneros probare vnguiculos, cum lacerant. Nemo Adolescentiam,
malè tractauit, nisi qui in toga virili, latum nimis clauum accepit.
arctam oportet esse prætextam. In vinculis nascimur, non **DEI** tan-
tùm, sed Matrum & nutricum mancipia. ætas hæc inter incudem &
malleum sit oportet, vt formam virtutis accipiat: atque in rudis in-
diestaque moles. Erat Tibi **ILLVSTRIS-
SIME PRINCEPS** **I.** aterna
educatio, sanctissimorum officina morum; gloriari potes cum **Basilio**
Cappadociæ Sanctissimo Antistite, vt ille solebat de sua **Avia Macrina**,
& **Illustrissima Tua Genitrix de Te**, vt **Macrina de Basilio**. Ita Ma-
tres dum probitatem docent Filios, regna parant; dum regna ad-
huc in cunis meditantur, vitam amittunt. Etiamné vna hodie cum
Agrippina dicit: **Occidat me, & regnet!** Quàm pauca cum **Blanca Lu-**
douicos suos a peccatis dehortantur! Quàm verè ipsa **Veritas; Beata**
steriles! Aurea secula fuisse, Matrum optimarum gloria erat; ferrea
nunc, hoc est pessima, Matrum negligentia. cum lacte sceleribus Ma-
ternis nutriuntur, nequitiam, melius adhuc digerunt. Adeò parum
est vitam cum brutis communem dedisse, nisi etiam ea detur, quâ ad
DEVM & Angelos accedimus: illud primum necessitatem morien-
di affert, hoc facit vitam beatam. Gratiam à Filijs quos malè edu-

cant Parentes frustra sperant: quod communis beneficij erat, singulari maleficio corruerunt. sæpè manus filiorum contra Parentes armantur, quia Parentibus inermes erant: quisquis virgas illis præfert, videbit in virtutis regno Consulares. Tibi ILLVSTRISIME PRINCEPS Illustrissimorum Parentum exempla, virtutis disciplina erant. quidquid vbique religionis erga sacra dispersum, Domi Tuæ collectum videbas. Nihil Parentibus Illustrissimis religiosius, nihil totâ Aulâ sanctius. Templum dici poterat Domus Principis, Tu ipse maiestate vultus, verecundiâ oculorum, docebas modestiam, & Domi Paternæ non accipiebas modò præcepta viuendi, sed dabas. In ea ætate cui velle libenter vtilia discere, summa laus est: non venationis, iaculationis studio, Equitationis stadio impendebas, celerrimas horas: sed frenabas longis orationibus. quod si quæ remissio concedebatur animo & corpori, erat illa, quâ magis pietas erga superos tenderetur: scilicet dum ex animi Tui templo transferebas imagines, & in diffluenti erga superos pectore, mollebas Ceras, ac parietibus Oratorij Tui appendebas. ordinabantur libri, componebantur chartæ, conciliabaturquæ à longè summa, quam quæreres postea, eruditio. Maximè iuuenum studia animi propensiones interpretantur, ipsa consuetudine & vñ quotidiano prædicunt, & prædicant, quid in ætate prouectiori animi, quid amoris habituri sint. Errauerit vtcunque Antiquitas, in illo Romanorum Imperatore, qui inter Tympana natus, inter Scyphos vixit: Achilles, totque alij fidem astruunt. Quid spei de Te non accendisti, tam illustri pietate? cum multa multis venirent in mentem, prima omnibus intrudebat se sanctitas, & innocentia vitæ. Iam tum quoties nomina Tua CASIMIRI, FLORIANI, audiebas, intelligebas non casu ita Te appellatum esse, sed fato quodam: vt non vmbra in Te sola nominis esset, sed cum titulo res ipsa virtutis. Ita Tu exercebas ingenium, vt existimares non posse FLORIANVM dici, qui flores virtutum, ipsum immò virtutum florem Innocentiam decoqueret. non benè appellari CASIMIRVM, qui nollet, eodem casu, in eadem causâ occumbere. E Tuo Equite cælestis iste triumphator descendit; patieris Curlum reuera Olympicum à me describi, cuius tenes vestigia: dabo imaginem animi Tui & vt quis sis appareas, ad hoc speculum Te opponam. Regna duo, vel auri, vel virorum feracia, ne amitteret, reliquit. quid duo dixi? postquam illud quod fortium virorum ager est, reliquit, orbem mihi reliquisse visus est, spoliū fortiorum. summa hieme pedibus nudis, solo feruore orandi, recreabat argentes artus; propinquissimum corpori cilicium, longè voluptatem remouebat:

sonnum

somnum, vbi secūra castitas dormire solet, humi capiebat. his studiis occupatum morbus inuadit. Lamentantur Parentes, marent regna, sceptrā nutant, circumstant medicorum turbæ. facillimum medicamentum suadeat, licitam voluptatem. Graue, ait, medicamentum cui virginitas leuis est. sanus esse, potiori parte mei mortua, non possum. meliores mihi nuptiæ cum innocentia vitæ, indissolubile vinculum, aut morte, aut tadio. Idem **ILLVSTRIS** & **REVERENDISSIME PRINCEPS** es in multis; esses in omnibus, si Te, quæ illum, circumstarent. Inuictissimi Martyris **FLORIANI** nomen, florem in Te suum & odorem habet. Aquis ille Fidei ac Religionis causâ periit, & ignibus medetur. nomen suum vltro Aquilino in causis Christianorum prædidi, detulit, quâ constantiâ! in Anasio flumine demersus, animâ ad cælum transmissâ, mergi corpore non potuit. aderant victorioso cadaueri custodes Aquilæ. vnam ex illis Sarmaticam credo fuisse, & Polonum Castorem iam tum demersisse, vt non grauatè ad auxilia Polonorum Manu se duci permetteret. Turpissima assentatio est Theodoros, Christophoros, qui Misiothei, Christomomi suat, appellari. Prima Adolescentiæ rudimenta sunt, concordare nomina cum rebus, & ita viuere, ne faciant in quauis appellatione, mentiri omnes. Quælibet ætas habet suam in virtute classē. etsi omnes omnibus communes esse decet, cuique sua est singularis. virilem togam, Iustitia, Fortitudo ornant: viuere sine iniuria, commodare se amicis, tueri Religionem, Patriam, prospicere Familiæ Senectutis est, fugere odia, contentiones, minimè auaram, luxuriosam esse. valere consilio, impendere se amicorum vsibus, prospicere ne quid Religio, Respub. detrimenti patiatur. Adolescentiam verecundia ornat; assurgere maioribus natu, reuereri omnes, etiam vestigium dedecoris fugere, suffundi si quid casu in aures vel oculos incidat, nihil loqui, sed ne cogitare, cuius pudeat. reliqua omnia decora Iuuentutis & Adolescentiæ sunt; quæ Tu magis ostendere exercendo poteras, quàm ego per censere numerando. Maximum est non errare in biuio, quale in Adolescentia! tot viæ, quot vires, tot semitæ, quot voluntates, tot gradus, quot antiquiorum exempla. adeò in ipso limine viæ & vitæ humanæ deuiarunt multi, vt terminum infelicissimum haberent. nesciunt vitare pessima diuersoria, sæpè in Circea, in Sirenes incidunt: infelicissimo Vlyssæ magis miseri. Quæ illa naufragia! videmus è portu. quod miserrimum est, venena sua condiunt, vt facilius bibant: sed vtcunque condimentum culpæ fiat, pœna semper amara. Ex ortu matutino solis, totius diei auguria sumuntur, totius vitæ è pueritia. solus Nero experientias nostras

suo

ſuo exemplo crudeliſſimè trucidauit. adoleſcens nihil ſcire videba-
tur, quod crudum eſſet: in imperio omnis humanitatis oblitus, fu-
it in Matre plus quam bellua. Maiores noſtri quàm religioſi in for-
manda Adoleſcentia, nominibus filiorum loquebantur, Stanislais,
Strzezyslais, Voytechis, Bogdanis. diuina erant, vel DEI. ſæpè Ti-
bi diuiniffimi CASIMIRI veniebat in mentem, non tantum de ſan-
guine, quantum de virtute ſtudio: pulchrumq; videbatur, non rece-
dere ab eo imitatione, à quo genere non aberas. Nunc Auguſtiſ-
ſimæ DEI Genetricis ſub ſignis merebaris, in cuius ille laudibus eme-
ritus, orbem vnuerſum ſanctiſſimum pæana edocuit; decurrebas
Omni Die, ipſius æternitatis penſum, & in nullo feliciùs exercebas
ingenium argumento, quàm in eo, vnde VERBUM ÆTERNUM
amplificationem ſuam in carne accepit. Inter ſtudia literarum, magis
eminebat contentio virtutis; magna Nomina, Principis, Iagelloni ci-
ſanguinis, purpuræ, infra Mancipium cælorum Reginæ poneban-
tur. Eſſi modeſtiſſima virtus eſt, conſuetudinem cum Principibus af-
fectat, quoties inter mediocres eſt, gratiam quam dedit, non recipit.
in Principum accepta penetralia, præter delicias, habet gratitudi-
nem. ornat & ornatur Ceris, immò aureas facit. aliàs diuturnitate
ſua diffluunt ſine recenti virtute. Ordo præpoſterus effundi in parie-
tes & recta, conſumere opes in vna, quàm non audiemus, fama po-
ſteriorum. Præſentia, noſtra ſunt. Nemo meliùs æternitati prouidit,
quàm qui hodie moriturus vixit. extendere vitam poſthumâ gloriâ,
idem eſt, quod monumentum illuſtre potuiſſe cadaueri. Nulli minus
de bona fama habent, quàm qui eam in ore hominum ſeruant. lingunt
dum viuimus, ſpuunt in Cineres. metiri gloriâ immortalē vnâ homi-
nū memoriâ quis velis? Tenaciores ſumus eorū, qui Capitolium, qui
Romam, incenderunt. ita omne dum ruit, præcipitio facit ſonitum,
dum ſurgit ſilentiū eſt. Præter virtutē nihil ad immortalitatem ſolidum.
Non eſt gloria, cuius eos pudet, qui eam poſt mortem ſentiunt. Nec ideo
felices Alexandri qui orbem vicerunt, gemunt ſub illius ruina! Nun-
quam concuſſus eſt orbis abſque eorum, qui motum in terra faciunt
damno; exercitium virtutis innoxium eſt. Nolebas ILLVSTRISSI-
ME PRINCEPS à teneris illam gloriâ, quam cum alio diuidere debe-
res. Rei militaris ſtudia magna & præclara: flectere Equum, vibrare
iacula, (pargere tela, declinare, inſligere vulnera: ars eſt Religioni, Pa-
triæ vtiliſſima: habet neſcio quid calamitatis in exercitio. gloria hæc
ſine aſperſione pulueris non eſt; & arena ſine Cineribus: cum palmam
quærimus, cupreſſus datur. Murales, obſidionales, Ciuitas coronas,
capiti dum ſperamus, caput amittimus. omnes ſpes, ſuffocat ſpes ipſa!

Miſe-

Miserum est eam quærere gloriam, in qua vitam securè seruare non licet. Nolim tamen studia honestissimæ contentionis Ordinis Equestris morari, nolim hebetare & obtundere aciem ferri. limandus immò ensis, procurrendum in aciem; hoc Patriæ præsidium, hoc Ciuium decus est. Quæ meliora vulnera, quàm è quibus Religioni, Reipub: incolumitas vna cum sanguine promanauit? Tamen si de palma studiorum cum armis contendant, facilius vicerint calami quàm ferrum, scholæ quàm castra, Minerua quàm Gradivus. Ita quotquot scuto Persei regimur, quotquot noctuas Mineruæ sequimur, vel vi, vel deditone expugnare possumus etiam Peltatos, fugare Triarios, frangere Ancilia, capere Aquilas. Quod si in mediam se virtus & continentia vitæ dederit, vincit utrâque, triumphat. Quidquid gloriæ non è virtutis partu, adoleuerit, vitio suæ originis consenescent. fama res equidè præclara dicitur! esse quis credat? non velox tantum malum sed immortalis, commune præmium bonis & malis. vt è forma vultus, vix mores cognoscimus, ita ex ista vitam velle pendere, eorum est, qui solâ formâ amicitias parant, aut quærunt. vt maximè prostitute mulieres elegantia vultus, sic ferè non optimi, famæ lenocinantur; sed quibus vita voluptati fuit, erit fama oneri. Nullibi peius laudes deponuntur, quàm in ore hominum vbi mendacia nidum habent. in vtramque partem suspicio est, vel creuisse, vel deperiisse aliquid. Panegyrici nostri vtrunque nunc per ora & oculos hominum volitent, terantur, legantur; non prius immortalitati & æternitati consecrabitur, nisi ÆTERNA SAPIENTIA viderit, & edi posse permiserit. quot Plinij? Mamerci? tot alij, inter libros famosos, & prohibitos numerabantur? dum errare licet, non solum veniam, sed aliquando præmia habent errores: tum vnus Veritatis stylus erit, nec quidquam tota æternitate legetur cum plausu, quod ita factum non est, vt perennaret. Nihil magis quàm illorum laudes malè olent, quorum vita sordet. in vno duplex crimen, dicti & facti. Lucius Sylla Panegyristæ suo irasci maluit, quàm gratus esse: monebat plus se sapientis silentio laudatum iri, quàm stulti Oratoris, vel stylo, vel voce. Etiam Traianum videbit orbis oppilantem os Plinij, cum ille Panegyricorum nostrorum LIBER in vniuscuiusque conscientia impressus aperietur. Ego non metuo ibi Palinodiam, quòd Tuas Illustrissime Princeps laudes non ab atramento mutuo, sed è Tua conscientia transcribo. Non metuo hic errores, nisi fortè emendare adhuc ea in melius velis, quæ hætenus bene fecisti. Nullibi melius exercuisti virtutem, quàm extra limina vel Domus, vel Regni. Credo ideò non ita Te eluxisse Domi, quòd vbiq; summum lumen virtutum **ILLVSTRIS-**

SIMORVM PARENTVM esset: exstinguebant maiora astra, lucem
Tuam. alia alibi inuenisti. Eminebat inter coætaneos morum maturi-
tas, inter proteruos ingenuitas, inter petulantes modestia, inter irre-
uerentes religio. Parum dixi: inter bonos optimus, inter modestos
integerrimus, apparebas. Ad scholam ferebas tecum Adolescentiæ
magistram, Pueritiæ frenum, Iuuentutis censorem, Modestiam. Auri-
bus Tuis verecundissimis tenebas petulantium ora, vultu modestissi-
mo, suspendebas procacium oculos, & maximè tenebas alienas manus,
cùm Tuas decentissimè componebas. Lex erat & regula condiscipu-
lorum, quidquid egisses, tantumq; & discendo, & docendo profeci-
sti, vt inter elementa literarum, Christianæ pietatis teneres sum-
mam. futurus aliquando Iuris vtriusque, Humani scilicet & Diuini Do-
ctor; humanissima consuetudine diuinos faciebas condiscipulos, vel
certè diuinitate morum Tuorum, more hominum viuere docebas.
Adolescentiæ est proficere in studio literarum, errando discere, ante-
quam correctè loquatur, corrigi. debet prius verba componere, non
statim ad summa evolare: niti tamen. Virtus in illis sine errore sic
oportet. delinquere contra innocentiam vitæ & morum, totius vitæ
error est grauissimus. in fonte lutum fecit, quisquis Adolescentiam
maculauit. ita cùm minimum pueri deliteris nòrunt, innocentiam
vitæ etiam senes docere debèt, & castigare in alijs errores vitæ, cùm sua
errata vel calami, vel linguæ puniuntur. Ita tum ILLUSTRIS PRINCEPS
siue studia condiscipulorum ad æmulationem, siue Præceptorum cogi-
tationes de Te excitabas, vt isti multa assequerentur, hi omnia quæ
nunc in Te videmus, & quorum adhuc pars magna in thesauro cor-
dis latet, vaticinarentur. Alijs alia, bonarum auium auguria erant: illis
lituum ego darem, qui ex ea, quam semper præferebas erga Sacer-
dotium propensione, summum in Te religionis studium futurum
spondebant. Quid Te à focis ad altaria, à Penatibus ad aras euocaret,
non erat, nisi summa Religio. alii ex fumo ad Basilicas fugiunt, ab
vno sulco, ad latifundia. hos angustia domi, foras extrudit, spes ma-
gnæ vocant: nec tam vsus, quàm fructus Sacerdotij quæritur. Cùm
enim tam pretiosa sunt altarium stipendia, facillimè tenuiores mere-
ri incipiunt spe lucri. At in exercitio virtutis mercedem quærere
stulti est mercatoris, & maximè indigni, quas ambit, dignitatibus. dare
ad vsuram virtutes, & quæstum pietate facere, hypothecare bonos
mores: ille est contractus, qui societatem cum Deo non habet. Ti-
bi vna Sacerdotij illecebra erat, bonum esse. Iam ad focos Illustrissi-
mæ Familiæ habebas, quod multi ab aris accipiunt. Immodè tot Quæris
illustrasti altaria, exornasti tot imaginibus templa. Ecclesia ILLI et si

verecundissima est Sponsa, nunquam felicius nupsit, quam dum sibi
sponfos deligebat. Datur hæc venia optimæ & sanctissimæ virgini, si-
mul & Parenti, nubere cui velit. Quod hodie videmus, non est con-
suetudo antiqua, sed noua; quia frequens, habet auctoritatem ex vsu.
Abiit, quod fieri videmus inter hominum connubia, quæri dotem,
numerari patrimonium, sperare hereditatem. alicui, isti si aureas aures
haberet, credo nuberent. Sponfos Ecclesia DEI quærit, non Procos;
et si diues est, placere se magis optat sua Origine, hoc est Christi san-
guine, quam pauperum Patrimonio. In Te ILLVSTRIS-
SIME PRINCEPS spectabamus studia multarum Poloniæ Ecclesiarum. Aliæ spe-
rabant, timebant aliæ: quædam optabant, ascendere altius quos-
dam, vt Tibi gradus esset. Nostra Posnaniensis Cathedra, in vberri-
mo sapientum Parochorum solo, Doctorem doctis spondebat, pro-
mittebat Theologis Aquinatem, Philosophis Aristotelem, Ora-
toribus Tullium, Legisperitis Iustinianum, Quæ vota! quæ voces!
Credo SERENISSIMUM Regem nostrum, cum Te tacitus isti Ca-
thedræ designasset, inter lætas populi acclamationes, fructum sui iudi-
cij tulisse singularem: illum se Pontificem in animo habuisse, qui
etiam in ore omnium erat. Quis erat plausus? quæ gratulationes? cum
Principis nobis veniebat in mentem, gratulabamur Honori; cum sa-
pientiæ, minabamur erroribus; cum Virtutis, nobis & Cathedræ Po-
snanienti, omnia felicia promittebamus. Redire vno & altero passu
debeo, & vestigia virtutum in Cracouiensi Capitulo relicta venerari.
Scio Te hic ita vixisse, vt vitæ regulam viuendo feceris, ita in illo
virtutem amplissimo exercuisse theatro, vt licet nolles dimanare vir-
tutes ad vnum, omnibus visæ sint: facillimū enim erat inuenire ve-
stigium CVRSVS Tui, in niue animi: nuda veritas & candor cum
in animo est, in hac crystallo quilibet videtur, & maximè apparent,
qui se in Modestia abscondunt. Habent Illustissime Princeps, Virtu-
tes inrer se constantem amicitiam, Thesea semper fide viuatur. licet
plurimæ sint, facile ibi locum habent omnes, vbi vnica sedem fixerit.
non est contentio inter hæc germanas, aut de dote, aut de forma.
non inuident inuicem amores, vnus, omnium est: à sua Matre here-
ditatem acceperunt non diuisam, in vno eodemque fundo, omnes
& seminant, & metunt. Religio sanctissima, omnium Mater, vbi-
cunque pedem fixerit, statim & nidum ponit virtutum. Sciebas IL-
LVSTRIS-
SIME PRINCEPS, natiuo Charites istas discernere pulchro.
multi exercent ita virtutes, vt somnia; satis est illis actiones virtutis
agere, sine sensu & gustu virtutis. vt morbidi optimos cibos come-
dunt potius quam gustant. Erat Tibi Schola cordis ad proficiendum
in vir-

in virtute, plus de Habitu, minus de Actione commodi habere volebas. Non auidum tantum, sed auarum etiam hic esse oportet: non est in fastidio, nisi parua, maxima esse ex summa fame colligitur. Sterilem in Te fuisse virtutum notitiam non crediderim: quia malorum est, sola speculatio. Existimo ideo pretia virtutum nosse Te voluisse, vt thesaurum animi Tui, pretiosissima merce cumulares. erant in vna omnes. Theologiae Tuae summam in Trinitate Theologicalarum virtutum deposuisti; tota Ethica in moralibus erat. Ab Aris locupletissimum pro me habeo testimonium, ne quid, nimis propensae dari quispiam putet beneuolentiae: amicissimum me hic esse profiteor, vbi Tu sanctissimus es. Quae illa? quam frequens ad aras victima? quae manus quotidiano sacrificio cruentae? etsi haec magna virtus est, non est magnorum. alij vilitatem suam, alij secularia negotia praeferunt: omnes superfluitatem. Pretium scilicet istius victimae à raritate pendunt! Veniâ digni quod excusent, nescio quomodo excusandi, quod veniæ locum fecerint. Maximus hic error est, accessum fugâ facere: longius ita abimus. qui sæpè contemnunt, nunquam sunt digni. vsus sacrificij maximè probat Sacerdotes, cætera sunt cum vulgo communia. Docuisti vniuersam Poloniam non alium Panem, quam Angelorum desiderasse Te, dum sacris initiareris; cum in tanta illius satietate magis fameas. Credo, illos quorum beneficio Posnaniensis Cathedra erecta & dotata est, multis apud DEVM Optimum Maximum egisse, vt Pontifex legereris, à quo tanta præsidia è quotidianis sacrificijs sperabant. Omnia Te pro DEI gloria, Ecclesiae vtilitate, Patriae commodo, facturum speramus, cum in manibus tam crebrò habeas Cæli pignus, DEI vnigenitum. Angelorum & Hominum delicias. Profundius inclinabimus capita nostra, cum Tu ista manu, quâ Benedictum Domini tractasti, frequentius nobis bene precaberis: reuerentius osculabimur illam dexteram, quam toties in Rege Regum salutando exporrigis. Iam illi qui Tuis manibus ad sacra mancipabuntur Altaria, felices ac beatos se putant, tali Pontifice; à quo non solum characterem ordinis, sed formam virtutis accipient. Cum primum felicissimus Nuntius Tui Pontificatus Posnaniam circumsonuit, omnium in Te studia, non primum nata, sed excitata sunt. illi suspiciebant Illustrissimum Antiquissimæ Familiae Genus, isti sapientiam prædicabant, omnes amabant virtutem. illa Te Magnum, Admirandum, hæc Carum omnibus faciebat. Maiestas Generis tenebat verecundos Equites, Sapientia morabatur parum doctos, Virtus omnes trahebat. Nemo vnus erat qui aliquam non narraret, aut à se visam, aut indubitato testimonio confirmatam, Hi Mansuetudinem, illi Modestiam, hi

Affabi-

Affabilitatem, Comitatem morum, alij alia, omnes omnia. Vnum omnibus dolebat, tam Regium, tam Doctum, tam Sanctum. Principem, non in Maiori Polonia natum esse, aut ibi Maiorem Poloniam non esse, vbi tanti Principes nascerentur. Diffluere aliquis putabit Eloquentiæ laciniam in campo Tux Virtutis, & naufragari Oratorem in Oceano rectè factorum. dicam simplicissimas & verissimas laudes. Lætitix de Tuo Pontificatu scenam maximè Tui subditi instruxerunt, & si quis Ædilis esset, ludos credo facerent. Rara Dominorum felicitas diligi à subditis, magis rara subditorum virtus, diligere. etsi vel illud Dominis, vel hoc subditis vtilius est, tamen nescio quomodò, magis honestum putari, timeri quàm amari. ita nulla Maiestas sine tremore est, quamvis magis secura esse possit, cum reuerentia. Malus omnino diuturnitatis custos metus, & facillimum est odia gigni in nido timoris. Breuissimi sunt metus, Amor æternus. etsi vterque alas habet, ille vt fugiat, iste vt sequatur. Obsidem amoris Tuorum subditorum habes Tuam Virtutem, Sanctitatem. Nec Tibi sine istis viuere licet, nec illis sine Tui amore. Quo stylo illorum lætitix stylum, qua arte illorum naturam, quo atramento illorum lacrymas lætitix indices, describam? pollicebantur omnes ea quorum nondum experientiam habebant. omnium erat eadem vox, necessitati tantum seruituros se, sui Pontificis. Nihil votis illorum deerat, nisi quod & nostris, Tu scilicet Princeps Illustrissime. Extremum esto Virtutis magnæ testimonium. Tux Diocesis etsi lacera & mutila templa, debilitate tamen sua firmissimum faciunt argumentum. Nihil est Illustrissime Princeps, quod te vehementius afficiet totâ Pontificiæ Dignitatis sphærâ, quàm non pauca viduata, non Sacerdotibus tantum, sed & rectis ecclesiastica quæ supellectili templa. Quia frequentissimæ istic Ecclesiæ sunt, multas esse oportet infirmas: quia plures sine bona dote, ideo viduæ. etsi optimus es, non eris tamen tam bonus, vt hic indulgere velis, vel Hæreticis, vel heredibus. Quot Ecclesiæ? inclinatis non Turribus tantum, sed Parietibus, annuunt vt venias? quot apertis ostijs hiant & aspirant? substernunt se limina Tuis pedibus, & lucem Tuam angulorum tenebræ expectant. Autumare incipimus quid Te præsentem futurum sit, cùm etsi adhuc in via es, omnia in melius mutata intuemur. Tua virtus publica est, scire multis prodesse. Innocentia vitæ, sanctitas morum, faciunt Pontifices sanctos; magistratus integer, iudicia sancta, ostendunt: priuata illa bona sunt, hæc publica. Ac vt nemo oculum vel manum peruersa esse velit, ne ille lasciuiâ, hæc rapinâ hominem totum dedecoret: ita Principum est, tales oculos & manus magistratuum facere, ne quid è vitio istorum,

rum, cæcitatibus in illis fuisse arguatur. Dicerem ego Illustrissime Princeps experientias nostras, & Tuo testimonio facerem virtuti Tuæ auctoritatem: sed quia domi nostræ hæc fecisti, nolim extra limen, quod pretiosissimum in nostra recordatione est, efferre. Illa Tua Humanitas, consuetudo cum mediocribus, à summa Tua Virtute promanauit. Non erat quo extorquerent talia, quæ vix sperari poterant: multi paruitate sua, & suâ umbrâ album Tuæ amicitiae excusabant. illorum erat obsequi, facere iussa: Tuum, circumferre Principem inter postremos, lucere inter umbras. non erant tanti, cum quibus in contentionem beneficiorum venire deberes, sola professione debiti tantum restituebant. Et expugnarent hæc alium, Tecum pugnabant, ut dissimulare deberent, ne Tu humanitate magis superares.

Æterna tardis Carmina seculis
 Committo Vates. Discite gloriam
 Virtute mercari; voraces
 Quod reliquum rapuere Lunæ.
 Cælo reuulsis surgere collibus.
 Sublimiorem, surgere vallibus
 Exaggeratis, vel caducis
 Montibus, occubitu vel orbis.
 Proflare summum; constitit arduo
 Vt cunq; nisus, non perit arduo!
 Decliuus à summo labandiest
 Semita, præcipientesque casus.
 Quisquis ruinâ surgit, hic occidet
 Rursus ruinâ, mole sua, nimis,
 Et mole bellorum trophæa, &
 Strage suâ perire Reges.
 Quisquamne magnus casibus? ô! leues
 Aternitatis perpetis ambitus!
 Frustra vel Audaces vocari,
 Vel Populo meruere magni!
 Quicumque paruum, reddidit integro
 Ex orbe Mundum, nec quibus imperet
 Cives reliquit, sed Tyranni,
 Colla tulit malè victa, ferro:
 E Rege seruum fecerit ipse se.
 Regnare stultè cum volumus, perit
 Pars magna Regni: pro beatos
 Esse Duces sine prole vulgi!

*Mergetur, alto sanguine quod natas
Semperque puppis naufraga Martis est.
Deest cruoris cum charibdys,
In lacrymis noua scylla fiet
Orbis perempti! quot scopulis, mare
Infame laudis! monstra quot occupant,
Circesque Syrenesque quot? quot
Cæca tenet Polyphemus antra!
Non deterendis splendet honoribus,
Quodcunque sacro prodiderit satu,
Diuina VIRTUS; nec cadenti
Protinus immorietur auro.
Inuicta firmo cardine voluitur
VIRTUTIS ingens porta; vel aerei
Postes, seræque, ferreique,
Claustra tenent adamante vectes.
Non qui supino de Capitolio
Fecit triumphum: fregit & urbium,
Orbisque muros, Dardanique
Fraude Sinon superauit arcem:
Captâ superbum ducet inutilis
Victor triumphum. Præsidium graue
Natura donauit ferendo, aut
Marte pari, superando Martem.
Stat pro supremo culmine Turrium,
Semper verendis peruigil ignibus,
Seu nocte, clara siue luce
Religio monitura fraudis.
Centum severis pro foribus trahunt
Longam periculis excubie moram.
Pilis minantur pila, telis
Tela parant, manibusque dextras.
Olim futuros præuidet impetus
Pronæa muris. ante periculi
Molem imminentis, versat altam,
Præsidium paritura, mentem,
Obsessa circum, sustinet hosticum
Quæ fortitudo Nobilis aggerem!
Tentanda frustra vel fame, vel
Pæne siti perimenda frustra.*

*Est quæ ferocem frenet amicioꝝ
 Alumna mentem: quæ iubet impetus
 Attemperare, vultq; iustum,
 Sed nimium prohibetq; parcum.
 Astræa strictum vibrat acinacem,
 Et lance causas discutit omnium:
 Ignara vultûs, sed reorum
 Sola manus benefacta pensat.
 Quales? quot hærent intus Amazones?
 Non indecoro viuitur otio,
 Aut euolutis longa curis
 Somnia, perpetuæque noctes.
 Solers laboris personat omnia
 Cultus: seueræ corripunt manus
 Æternitatis pensa, vitæ
 Tela fluit meliore filo.
 O! quisquis auro ducere perpetem,
 Desiderâsti quàm bene spiritum!
 Virtutis ibis calle, quando
 Non alio datur ire cliuo.*

DAbis veniam ILLVSTRISIME PRINCEPS, liberius coram
 Te comparentibus literis, quibus in animo locum dedisti. faci-
 le ea hic releges, quæ tanta contentione, totâ Italiâ colligebas;
 patierisque, aliquid è thesauro animi Tui, in meam necessita-
 tem impendi. Et si literæ sine inuidia omnibus se impendunt, ni-
 hil eloquentius, quàm se ipsas loquuntur, honestissimumq; pu-
 tant cùm alijs laudes affingunt, suas veras non tacere; ne aliquid in-
 dulgentiâ sui delinquant, eadem, quæ calamum & manum tenet, fa-
 cit veritas. Nemo literis bellum indixit, nisi omni præsidio Natu-
 ræ destitutus poenè inermis; Andabatarum hic more pugnatur,
 hoc est à cæcis, siue noctu ad lucernam, siue interdum ad Solem. Ali-
 quis optabat se literas nescire; ille nimirum, qui omnis humanitatis
 oblitus, studia hæc in fastidio habebat; quæ, vt humanissima sunt,
 faciunt perhumanos. Nulla hercule adeò communis res est, vt ele-
 menta, sic literæ: his omnia constant, & ne aut obliuione, aut iniuriâ
 temporum cadant; stant, perennant. Non tantum magistrix sunt
 agendorum, sed & testes: præcipiunt simul bene agere, & præclara
 facta posteritati commendant. Quod si à multis adulari dicantur, aut
 inuidere: alieno vitio laborant. Humanæ sunt, vsu & consuetudine,
 hominum mores induunt. quanquam rectius existimauerim adu-

plures literis, literas nemini. vereor, ne accusem, dum excuso. sed moueri illas nostris adulationibus, non erit nisi humanitatis peccatum. Cereæ primùm erant, aureo seculo; liuor & inuidia locum illis fecit in ære, & marmore. ita siue quid bene, siue malè scriberetur, lima erat impossibilis. At illi qui primùm elementa scientiæ inueniunt, deponebant in templis; vel daturi religionem literis templorum, vel templis literarum. Bene omnino, cum SAPIENTIA primùm in cælo nata sit, sapientiæ protocolia in templis (quæ cæli quidam terrestres sunt) seruantur. Cum sese in nido suo continebant, Sanctissimæ erant: Curiarum & Fori frequētatio, vitia illis locorum affinxit: postquam accusare cœperunt, meruerunt accusari. instar teli esse dicuntur, quo repellas, & incessas. vtcunq̃ue, peius in eo vitium est qui abutitur, cum vti deberet. Habent literæ omni exceptione maioris patrociniū à SAPIENTIA. stylo suo inuidiæ liuorem expungit, vincit, triumphat. Infans esset sine literis, immò muta. adeò sapientiæ linguam configit, quisquis has pungit. DIVINA SAPIENTIA etsi VERBUM est, ideo literas non habet, quia non est VERBUM COMPOSITVM: nostra, ferè tot partibus constat, quot literis. humana sapientiæ ætatem habet, puer est in elementis, matura in libris: illis constat, hos parit. etsi in animo nascitur, in libris educatur. & apparet. Nemo hactenus sapientiā professus est, qui literas non didicerit, nemo literas didicit, qui sapientis nomen non teneret. Illi quibus literas primas nosse, labor summus erat, aut otiosus; vix elementis constare putabantur. Multi in quærenda sapientiā fatigantur, non heluones tantum, sed tineæ librorum: rodunt simul, & legunt libros, terunt & atterunt. ipsæ chartæ lucernam olent, misceturque sudore atramentum, & lacrymis. volant pennarum manus, impallescent vultus, exhauritur non magis sapia, quàm vires, comburuntur noctes, ardent & lychni, & studia. parua tamen est in summo diligentia vsu sapientiæ vsura; tot studiorum impensis vnum illud comparatur, putari scire; iactare aliena, suos errores vendere. Putant isti optimam esse vitam multum comedere, semper ad conuiuia sedere, nunquam ad coenam. vt corpus, ita & animus paucis nutritur; metiri oportet hic stomacho cibos, ibi studia ingenio & memoria. vt facilius percurrantur Artes, impetu Naturæ opus est; vt aliquid eruditionis inueniatur, nimis celeres animi motus adhibendi. Oceanus sapientiæ est, sine velis & remis nauigat, si quis se absque Naturæ præsidij salo huic committit: in Euripo perpetuo erit, & cum natabit in sudoribus, ad portum nunquam enatabit. Omnes artes habent in naturâ initia: pingere cæcis impossibile est, pugnare truncis. sæpè aliquid hæc sine

L

arte

arte profuit, ut in brutis videmus. hæc nihil sine natura, ut in hominibus apparet. Adeò se Tibi ILLVSTRISSE PRINCEPS benignam natura exhibuit, ut nihil negauerit ad summa studia præsidij. Genius quidam cælestis Tuum putabatur Ingenium, in inueniendo sagacissimum, acutissimum in perspicendo, promptissimum in exponendo. non genere tantum, sed & Ingenio inter pares Princeps eras. adeò noscebaris Exteris, ut; si cætera deessent, solo venires omnibus in mentem Ingenio. Debet multum Polonia Tibi, immò plus quam acceperis: cumulasti Originis beneficium nimis commune, singulari Polonorum commendatione; nasci hic tales, quos orbis suspiciat. Venire inde in Italiam eiusmodi, qui non pedes ad saltum, sed ingenium Polonum ad Latinam eruditionem capacissimum, ferunt secum: sæpius nostrates, oculos & linguam ad Exteros ferunt: videre & loqui multa, summa felicitas. utinam non cæci, & muti, ad nos redirent! Conuiuia tantum, comotationes, ne quid peius dicam, nominant: Hospitalitatem, quam emerunt, prædicant; ignari ubique virtutem reperiri posse, cum nummos amiseris. Quid non alij? imagines illuc, quas innocentis animi sui ferunt? quas laruas & spectra non efferunt! munire vrbes, & pudicitiam prostituere discunt, mores omnino apud Polonos peregrinos. Paucorum est non mirari aliena, sed admirationem sui facere. Polonam potius ingenuitatem vendere, quam emere exotica. Ego de Te ILLVSTRISSE PRINCEPS existimo, voluisse Te reparare existimationem Generis nostri, à multis sædè laceratam. quanquam quidcunque est, quo vapulamur apud Exteros, illud erit summum, facile nos trahi in societatem pessimorum. quod si cum æstimaremur, cum primùm Carpato, aut Alpibus descendimus; facile viderent Exteri, unde hæc, quorum accusamur, didicimus. Barbarum est, Latio quidquid extra Adriam aut Alpes latet. Maiorum nostrorum encomia hæc erant, nostra est iniuria. ideonè barbari, quia victores? ideo isti urbani, quia victi? quod si in hostes humanitatem exercuerunt cedendo capta vrbes; laudem merentur à se ipsis. nostra vituperia sunt, ex iure belli neglecto, quo ille tantum uti non potest, qui victus est. Cæterum nos Fidem tantum ROMANAM, mores nostros seruabimus. etsi tam barbarè audimus, nunquam loquimur. Diremistì contentionem in Urbis & Orbis facie, in Arce scientiarum, in illa ingeniorum arena, magnoq; eruditionis amphitheatro, non auditor aderas tantum, & spectator; sed palmam etiam tulisti. Descendisti in illas sapientiæ nundinas, cum optima merce, ingenio Polono: etsi nullus alius emptor fuisset, Romanam Mineruam, Tuam vnus comparauisses. Athenis omnino venisse videbaris, non è Polo-

nias à Noctuis Græcis, non ab Aquilis Sarmaticis. Quomodo nec
res in Patria ingenium, præstò erat. Diuinæ humanæq; scientiæ arc
na sub Polo nostro apparent, & in hoc Septemtrionali frigore, tai
tus calor docendi, & discendi est, vt nullibi magis capita fument. Ne
scio quis ex angulo mundi, Iconem animorum liuore nostro asperfit.
tam angustum Poloniæ Regnum existimauit, vt Musas capere non pos
sit, cum suo Apolline: tam pauper, vt mundum literarum pro ho
nestissimo Gynæceo non sufficiat. meminisse debebat, pauperes ite
facile ditescere, Polonos diuites, alibi depauperari. Ingratus omnino
beneficij nostri erga Genus suum: nobis quam iniurius, qui inter nos
eiusdem cum illo farinæ sunt, loquantur. Ideo Poloni parum erudi
ti putamur, quòd etiam locum pietati inter literas relinquamus. alij
cùm omnia se scire existimant, facile vnius obliuiscuntur Religionis.
nobis, sine conscientia, ingenium exercere non licet. alij tum maxi
mè acuti, cùm pungunt; tum industrij, cùm decipiunt, tum vr
bani, cùm mordent. nullibi peius exercetur ingenium, quàm in ma
la vita. Cùm hætenus in Regno Sapientiæ quies summa esset, fecit
Aquilonare cerebrum tempestatem, orbem miscuit, & studia Natio
num commisit. Erat, ILLVSTRIS PRINCEPS, quo sublime
Ingenium Polonia occuparet. Exercuit nuper humanioris literaturæ
disciplinis, & Atticum poenè Luccoria fecerat. At Tu, cùm inter ver
naculos summus esses, quærere alibi, pares optabas, plus datutus
experimenti, an possent alibi Poloni docere, quàm discere. Quas
tum spes Tecum extulisti? quos reliquisti Domi Illustrissimorum.
Parentum metus? exiuit vnà Tecum, quidquid cogitationum, sublimi
orisque conceptus in animis bonorum erat, futurum Te Romæ, to
tâ Italiâ, vnum instar omnium. Commisit Tibi sui Polonia imagi
nem, vt quacumque pergeres, totius Regni Maiestatem circumferres.
ille Polonus dicendus erat, qui Tibi quam simillimus; ille Tu, cui to
ta Polonia non dissimilis. Ac dum Principem, cui Domi, magnæ opes,
extra, summa vel apud REGEM Serenissimum, vel apud Remp. æsti
matio; quærere etiam apud literas gratiam vident; existimare incipi
unt animi Te lucra tantis impensis anteferre: nec genio indulgere for
tunæ, sed animi ingenio. Literas alij ad quæstum quærunt, & inter
liberas artes serui sunt cupiditatum; magis solliciti de censu, quàm
de sensu. hoc etiam in liberalibus disciplinis maximè liberum est,
conuerti ad quoscumque vitæ vsus; & quia pretiosissima Sapientia est,
omnia illius nummo comparari. Longè est à Te, quam alij in se ha
bent, ea suspicio. Honorem Sapientiæ fecisti Principis Ingenio, rece
pisti è Tugurio ad Palatium, è monumentis mortuorum, inter Maio
rum

rum Ceras; & quæ hætenus ultra tot inuolucra & cortinas in sua nocte latebat, protraxisti ad lucem, vel Regum vel Principum: latet sub pannoso centone, etiam ad dolum cum Diogene, in Euripum cum Aristotele descendit. tota in vno Biantis libro erat: viuit nimirum ad necessitatem. licet delicatissima est, nescio quare, delicias, etsi non aspernatur, non curat tamen. Sed mihi potius rideri Sapientia videtur ab inurbanis, quàm iactari; nisi forte existimat aliquis posse esse absolutum Philosophiæ cursum, sine Ethica. Personata est Philosophia, quoties inculta apparet; vbi in flore suo est, animos omnium rapit, vel formâ, vel moribus. Attulisti ILLVSTRISSE PRINCEPS ad Sapientiam, quod alij beneficium accipiunt; vt Tu solum amicitiam illi seruare debeas quam contraxisti, illa gratitudinem referre teneatur. Altior est sublimitate Tua; magis illustris in Te Illustrissimo. Stadium Palladis nemo sine æmulo, aut præmio, cucurrit. alijs satis est tetigisse metam; plures, vbi attigerunt, cum pedem fixerint, manus ad præmia exporrigunt. Honestissima omnino contentio in vtrisque; sed excellere illi videntur, qui extra Sapientiam, nihil quærunt. Nam nec oneri est Sapientia, nec fastidio in his; in illis si fructum, quem sperauerint, non fecerit, magis amara Sapientia est in vertice, quàm fuerit in radice. Excurristi facile ante omnes, cum nullis alijs curis distrahebas animum, nec onerabas humeros importuno expectationum iugo. expeditus à tot multorum desiderijs, vnam in voto Sapientiam habuisti. facile erat relinquere post se fallaciū studiorum baiulos: & liberrima mente præcurrere, catenata Lucellorum mancipia. Quod illud ingenij acumen? limabas adhuc vna omnium virtutum Tuarum cote, DEI GLORIA. iam in exercitio virtutum ita insigniter profeceras, vt nihil deesset, nisi Terminus. Omnia Tua ita composuisti, vt ordo in conscientia summus esset, nihil exerraret in verbo, vel facto. Existimasti tamen priuatum esse, quod foris in comoda plurium non diffunderetur. Sapientiam bonum publicum esse: hinc in dubijs consilia, præsidia in aduersis, & peti, & haberi; ab ea tantum esse auctoritatis, quantum opus in summo etiam imperio. Veniebat in mentem, Ecclesiæ Catholicæ magis obfuisse aliquando inscitiam vnius, quàm multorum malitiam. illa monebat, illa excitabat, & currenti addebat adhuc calcaria, alas volanti. Quid Patriæ? reuocabat Hosios, Karnkouios, Pstrokonios, Lubienios, Lipscios, Sokoſouios. plena ubique omnia errorum, regnare Hæresim, furere Schisma: multas in Curia vel Senatus vel Nobilitatis simultates. causam tot malorum, raram in subsellijs consiliorum sapientiam. Nam vbi nihil est, quod stulti timeant, insaniunt: frustra virtutem opponas, offender

dere oportet, vulnerare, vincere. sanctitas est quæ non lædit, impugna-
tur, non oppugnat. Sapientia armata, vel inceslere, vel repellere par.
Caput ipsum Medusæ petit, sine periculo venatur venenata; verbe-
rat Mercurij virga, & statim hydros exarmat. Expugnauit procul dubi-
o tot machinis facillimum in omnia honesta animum. Iam Ecclesiæ
Catholicæ præsidia, iam Patriæ incolumitatem, iam Hæresi fulmina,
Schismati excidium, non minabaris tantum, sed parabas. proludebas
in puluere scholastico, ad solem & lucem: inter parietes & recta, ad
totius Cæli spectaculum. Noui animum Tuum, Generosum illum, &
ad summa exaggeratum; non assirno, etiam nec suspicor venisse Tibi
in mentem ambire Pontificias Tiaras, & cum æmulis in contentio-
nem descendere. Nisi fortè cum tam seriò intellectum exercebas, exi-
stimari potes, dignum Tiarâ caput efficere voluisse: sed hoc magis fa-
cit ad ambitum Tui, quàm Tuum. Etiamné honori seruire volebas;
maximè peregrino, cum inquilinus non decisset? Nolim arguere quem-
quam Pontificii ambitus, cum Doctor gentium omnes absoluit, sed
nemo melius ambiuit eo, qui se dignum fecit. Nummus quidam Sa-
pientia emendis vel vendendis honoribus, sine hac conferre Benefici-
um, non est gratia, sed potius gratis dare. Sapientes esse non omni-
bus licet, etsi omnes deceat; exultantur multi à fructu illius, quibus
labor impossibilis est. & putatur in omnibus subditis esse, ubi in
Principe fuerit. Humani corporis membra etsi omnia sensum & mo-
tum habent, istorumque Matrem animam, intellectio cum omnibus
communis sit, non exercetur nisi in capite; hinc in reliquum corpus
prudenter agendi priuilegium descendit, hinc laus præclare facti,
in omnia membra. Non tot oculis, quot membris constamus. satis
est duos esse, ne cæco impetu feramur. Felicis nauigationis regula
penes eum est, qui sedet ad clauum. Omnes portum tenent, licet il-
le solus, quâ eundum sit, cognoscat. tantum est in Principe Sapienti-
am esse, vt in omnes subditos ex vno deriuetur! Quoties Pontifi-
ciæ dignitatis veniebat Tibi in mentem; excitabas solâ memoriâ iam
in Te ardens Sapientiæ studium, tantamque eruditionis penum col-
ligebas, vt Cornu Copiæ totius Poloniæ aliquando esse posses. Existi-
mabas, Te ad mercaturam bonarum artium profectum, ne tot au-
rei operarum & industriæ sumptus otiosi essent, tanti Sapientiam
emisti, quanti se ipsam æstimauit; hoc est, labore summo, diligentia
singulari. Quanquâ non mercari ego existimauerim quempia Sapienti-
am, sed fodere thesaurum. In mercatura vnum non comparatur
sine damno alterius: in viroque, vel in eo qui vendit, vel in eo qui
emit, indigentia est; hinc mercium, illinc nummorum. alterutrius,

alterutrum iacturam facere opus est. In sapientie questu, etsi in nobis indigentia est, summæ in illa opes; nihil amittitur, ne tempus quidem ipsum, quod illi ipsi perdunt, qui maxime custodiunt sumptus mensales, potius stipendia sunt vitæ, quam sapientie: etiam illis faciendi, qui otiosi viuunt. vna hæc differentia in thesauro ac Sapientia est, quod istam nemo casu inuenerit; illum sapere, ac ferè semper; scilicet omnia fortunæ beneficia sic constant! Cæca est, proijcit, non dat. Velle Sapientiam, prima est ad inueniendum via; quærere, secunda; illa communis omnibus, hæc compendiosa, & paucorum. illa sola nunquam è stultitia exceditur; quantum est de ista, tantum ad Sapientiam restat habendam. Labores Tuos ILLVSTRISSE PRINCEPS in adeunda Sapientia, Tu ipse numerare melius possis, qui exhausti. quanquam quotidianis lucris occupatus, otium non habebas in summa opum animi facultate, numerare gradus & palmos in stadio. Ego affirmare possum, in illa luce, immò totius orbis sole, Vrbe Roma, nullam Tibi horam sine linea fluxisse. illo puluere Scholastico Clepsydras omnes diligentie Tuae metiebaris, & ne hæreret aqua, sudores affundebas. Incipio ab ea, quæ utcunque à longè Te sequor, Eloquentia. quid in illo Eloquentie theatro, ac ut verius dicam, in cunis apud Eloquentie Parentem Tullium ageres, nisi vel exerceres, vel disceres Oratorem? non è Catilinaria, aut Philippicis, discebas fulminare in religionis hostes; sed ex illis ipsis rostris, ex illo Capitolio, vnde Tullius ut Iupiter alter audiebatur, vocem & artem fingebas. Iam pro Domo DEI, iam contra incestos Verres, contra hostes Patriæ Pisones, non arma sed fulmina, non tela sed eadem parabas. Raro exemplo, exiisti è Latio Latinus; ex Italia Polonus. Nihil peregrinum in vernacula, nihil barbarum in Latina oratione audiebatur. Nimirum quia mores non corrupisti, etiam nullum in lingua vitium apparebat. Parum est, quod Tullium dixi Te; inter scholas istæ laudes gratiam habent. Tempora etiam faciunt Tibi plausum, cum loqueris. Augustinos, Ambrosios, cogitabamus, cum Te audiuius: licet eloquentissime perorabas, dimissa concione, muras retulisti laudes. non fecisti locum verbis, cum tam feliciter res ipsas persuasisti. Interimebant in ore verba illis manibus, & pugnīs, quibus pectus oppugnabant, animo à Te expugnato. flumina Eloquentie Tuae, fletu & lacrymis probabantur; ut quisquis verba tum hauriret, lacrymas DEO & Superis propinaret. Multi Oratores, poenitet quod Ecclesiastici! nullam meliorem laudem putant, quam plausus audire. hi Theologiam & Philosophiam suam vendunt, illi experientiam rerum, peregrinationes iactant. Christianus Orator ad vitam, que de-

cet,

cer, verba componit, nec discursu, sed suo affectu motus aliorum peti-
duntur, scilicet documenta vitæ optimè traducendæ, ieiunè ab eo dan-
tur, si quis malè viuat. Tua Oratio remis & velis nauigat, Chria est
milla (verecor ne quid vile nimis dicam.) & Facti & Dicti, muta Elo-
quentia est sine Exemplis. aures verba circumsonant, illa peruadunt
ad animam, in vita vt in via sumus: hæc itur, quâ alij transferunt,
nec faciunt verba viam, sed ostendunt. Inuidebamus illis, à quibus
Te sapissimè audiri sciebamus: compensabis studia & æmulationes
nostras, cum in Pontificia maiestate referes nobis antiqua Ecclesiæ
lumina, Gregorios, Chrysostomos, Basilios. hætenus quæ illa ora
essent, cogitatione fingebarus, dabis experientiam, cum dederis Te.
Magna Tui in Cathedra Posnanienſi expectatio, magna Omnium &
tacita, quod non citius obtigeris, sancta tamen inuidia; non minor
Recipio: totius gratulatio. Quæ decora in Arcem consiliorum, in Se-
natum in Regis Serenissimi conspectum non afferes? nulla consilia
erunt, nisi pro bona causa, nulla sententia, nisi quam conscientia dicta-
uerit. nulla iudicia, nisi quorum ipse trutinam apud Iudicem Iudicem
iudicas. Accuratio ibi eris, vbi publicæ saluti medendum. in illa Sena-
toria amplitudinis sphaera, non erit centrum, nisi DEVS, & tota Polo-
nia, circumferentia. Non ex communi loco, vel Malorum Temporum,
vel Dissimulationis, argumenta ducentur. Singulare erit quidquid
dicetur, ita tamen commune, vt singulorum esse debuerit. Reges &
Principes Philosophari aliquis debere aiebat, vel certè Philosophos
Principum & Regnum tenere. ipsius sapientiæ oraculum est. Odi-
osa Nomina Philosophorum non Philosophia fecit, vapulauit ipsa vel
moribus, vel ingenio clientum. Difficultas deterret à studio illius,
utilitas ab usu inter mediocres. ita quod altiores creuerint Philo-
sophi, mentes eminent: quod subtiliores, minus apparent. at ea est Phi-
losophorum summa felicitas, non eminere nisi inter summos, non ap-
parere nisi in sole ingeniorum. Nihil est ad præsidia vitæ honestæ commo-
dius, nihil ad usum magis necessarium, nihil ad honestam animi siue
occupationem, siue ferias, opportunius studio Philosophiæ. aliæ artes,
& scientiæ, non omni tempore & loco, Philosophia ubique & sem-
per, exercetur. indigent aliæ materiâ extraneâ, instrumentis, offici-
nis. multæ mundinas ad artis opera desiderant, aliæ etsi quid suum,
vendere non habeant, vendunt se ipsas. Hæ spectatores, illæ audito-
res, Forum illæ, istæ Curiam desiderant. inter prospera illæ, inter ad-
uersa istæ valent. Philosophia tristibus & lætis, vni & multis com-
munis est. Habet in se ipsa theatrum & scenas, auditorem, & plau-
tum. tabernas & officinas non aperit; nullum opus appendit. cum
in fre-

in frequentiam venerit, solitudine non deserit, cum sola est, ita manet; ut nascitur. Nihil Philosopho magis necessarium, quam habitare secum, circumferre Domum. res prosperæ si eueniunt, abituras, scit. si abierint, reuocare non vult, ne rursus abeant. si aduersa ingruant, medicinam habet in pectore; si porro sanare, graue est, etiam pati leue putat. ita nullum fortunæ telum est, quod Philosophum, etsi lædat, conficiat. Quod si amicorum commodis prospiciendum est, nemo illo melius: si religioni, nemo sanctius: si indigentia, nemo celerius, vel cumulatius. Qualia Philosophiæ præcepta in animi Bibliotheca descripseris, doces, cum facis. Omnia suo pondere metiris; non opinione vulgi, non numeri autoritate, non plurium suffragio, stateram flectis, sed vnius veritatis ductu, & motu. Quid dicam de sensu humanorum? non es è Stoicorum Apathia. Peripateticum Te esse ostendis, dum quoscunque obices aduersorum transcendis, nec iaces in casu, sed ambulas. nisi forte eo solo nomine Stoicus esse credaris, quod sentire te dissimulas, si quid doleat. Non ego SENECAE præcepta desiderarim, cum Tuos mores intueor: nolim de remediis vtriusq; fortunæ Petrarcham; vbi vtriq; fortunæ Petra es: illam ut frangas, hanc ut sustineas. Tantumne in animi Tui schola Aristoteles es? latè hoc equidem ad omnem vitæ vsum esset. Tibi non sufficit, quod multos contentos reddit. Nescio quare animi nostri sensus, vel ingenij partus, quod maximè in Philosophis videmus, cum in nido sunt, Nobilissimi apparent; cum euolandum est in publicum, Gallo Aristotelico Platonico magis implumes. diuinam dum in cunis, hoc est mente sunt, speciem habere videntur, monstra sunt in ore. illi ipsi, qui genuerunt conceptus, linguam suam non intelligunt. dum verba fundunt, confundunt, dum discurrunt, offendunt. Tibi ILLVSTRIS PRINCEPS Philosophiæ arcana, non inuita in lucem exire videmus. fluis, cum discurras, non verba & periodi, sed conceptus etiam rotundi. omnia ad torum non Latinitatis modò, sed Eloquentiæ quodlibet argumentum, nodus Gordius est: omnia idem filum habent. Nunquam dissimulata difficultas, aut simulata; nisi Te imparitas æmuli, Tua humanitas simulare persuaderet, ut non ingenio tantum sed virtute etiam triumphares. Nullus Tibi grauior hostis, quam qui firmo pede stare nesciret; si quis valentior, illum amabas, ut solemus laudis materiam. Faciebas tenuitati nostræ in arce scientiarum CRACOVIAE, Tua præsentia frequentiam: vnus Plato instar omnium. ut humanissimè Te ostenderes, victas & iam diu detentas, in carcere (innocenter tamen) literas. Collegij nostri inuisebas, consolabaris; ad vincula Te Petri venisse putabas, quoties ad nos diuertisti. Ita tum Petri Cathedram

Tibi

Tibi deuiaxisti, vt statim ad Limina Apostolorum Principum, ad
Cathedram Posnaniensem, promouerere nostrum id erat votum, Tua
merita, nos meritorum materia. Consuetudine Tua fecisti nobis ma-
gnam auctoritatem eruditionis, omnes æstimabant nos existimatione
Tua; putabantque Te ad nos vel ferre Sapientiam, vel reperire. vtrum-
que bene celsit nobis; neque enim parum est, locum esse Tuæ sa-
pientiæ apud nos, vel nostræ apud Te. Quid dicam de illa conten-
tione, quâ exotica ingenia, Gallos, Hispanos, Germanos, Belgas, Ita-
los, & quidquid gentium in Vrbe est, fatigasti. Videbaris inter Philo-
sophos acutissimus, inter concertantes acerrimus, inter victores glori-
osissimus. Eò amplius Tuum ingenium eminebat, quòd te solo appa-
reret. Aliæ Nationes antiquitate literarum tuentur se, & aruant; pu-
gnant Sapientiæ (vt illi aiunt) fontibus, nostros esse Riuos; suum Occ-
eanum, nostras guttas iactant. Nos præsidium in ingenio nostro ha-
bemus: si quid sapienter, argutè, dictum est, non è fama antiquitatis,
sed ex ore nostro gratiam habet, adhuc apud nos nuda veritas est; il-
li mundo antiquitatis dum ornant, magis inuoluunt. Ita Sarmata pa-
stus Equo, postquam omnem Sapientiam, quæ apud exteros in bea-
tissimis erat, deuorauerit, maius est miraculum illis, quàm si asinus ficus
voraret. Nobis sub frigidissimo cælo feruent studia, temperantur-
que, etiam cum vrit, facit Syrius: nec, vt alijs fieri prope Zonam tor-
ridam solet, insaniendum præ æstu sciendi. Viderit Athenas, quisquis
antiquitatem studiorum iactat. omne illud Sapientiæ acumen in fidem
Græcam, argutiæ in astutias desierunt. Faciebas Polonæ literaturæ ma-
gnam Te solo auctoritatem, de omnibus iudicia in Te vel faciebant,
vel emendabant: Lydius lapis vel nostri ingenij, vel illorum. Parum
erat excurrisse Philosophiæ cursum, Stoam, Peripatam, & Academum,
Romanam emensum esse. processisti vltra cortinam diuinorum oracu-
lorum, vsque ad DEVM, & quidquid DEO proximum est. Condiri
debebant scientiæ humanæ diuinitatis temperamento, & mustum
Philosophiæ, Theologiæ mero attemperari: ne, quæ sine DEO est
Sapientia, inflaret. Feceras adhuc in iuuentute ad hæc studia gradum
Timore Domini: ibi Te iam initiasti hoc stadio, vbi timere DEVM
incepisti, nam ex schola cordis, quam tantopere frequentabas, facil-
limus est gradus ad cor ipsius DEI, & scientiarum omnium medul-
lam. Iam Theologiæ Christianæ summam in Angelicis moribus præ-
ferebas: ante summam Diui Thomæ. antè Angelus eras, quàm di-
scipulus Doctoris Angelici. Crediderim ego Theologiæ studia in exer-
cicio virtutum consistere. SOLEM hunc qui in pectore solis Theologo-
rum Diui Thomæ lucet, magis inflammandis pectoribus esse: quàm

augere collustrando. Nimirum fide hic agitur totum, quæ licet clarissimè orta sit Parentibus, obscura est: si quid luminis habet, lucerram non excedit in caliginoso loco. Maxime practicam decet esse, siue dum operatur circa virtutes, siue dum in fuga vitiocum fatigatur. Tu etsi circa DEVM & diuina speculationem esse affirmes, concedis VERBUM ÆTERNVM sua intentione, & nostra necessitate, Actiuum simul & Passiuum fuisse. Quam sublimi ingenio esses, cum vel maxime paruit, cum vsque ad cælos euolare, volare cum Angelis licebat. euolasti, volasti. Hypostaticam VERBI DIVINI cum natura nostra Unionem, felicissime in cerebri Tui concha unionem istam deposuisti: connubij istius etsi non paranympheus, testis tamen, quamquam & minister Sacramenti dici potes, quoties ad aras Diuinitatem Humanitatemque Christi, cum Panis & Vini speciebus copulas & coniungis. Omnes denique Theologiæ partes, tam de virtutibus Theologicis, quam Moralibus complexus. ad summam perfectissimæ Theologiæ solum peccata deesse videntur; ideo magis absolutus Theologus, quod in eorum classe sis, qui ius illæsum, ad lauream liris utriusque, Innocentiæ scilicet, & Sanctitatis, seruaueris. Quatuor annorum spatio Theologiæ studia definiuisti, non quod citius non posses excurrere, sed ut firmius incederes; figeres potius pedem, quam ferres. sed nemo melius de Te iudicauerit, illis, à quibus Sapientiæ Tuae Gazam mutuabas. Tantis in opinione horum eras, ut quoties bene de alijs opinarentur, de Te optime: alijs suam doctrinam gratulabantur, Te sibi discipulum: ut specula gratiora nobis sunt, quæ debite symmetriam vultus repræsentant; ita Præceptoribus ij gratissimi, qui assequuntur. Docere, instillare, labor est. doceri, capere, fructus Magistrorum. Quod de optimis Patribus familias cogitare solemus, dum mensam non instruat modò aut ornant, sed onerant dapibus: nihil aliud velle, nisi famem nostram, nisi epulas. par est cogitare de Doctissimis Tuis Professoribus, singularem fructum industriæ suæ ex Te uno cepisse. cum quicquid subtilitatum depromerent, Tu non excipiebas tantum, sed & capiebas. magisque manus fatigabatur, quam ingenium. anteuertebas cogitatione, quæ scriberes, scribebas tamen, de communi cum Magistris partu voluptatem habiturus. Annuere mihi videris, fieri hic mentionem Eminentissimi Ioannis de Lugo Cardinalis SOCIETATIS nostræ, & Tui in Theologiæ Auditorio Magistris dissimulare non possum Tuae imperia, tacere illius amplitudinem. Illam quam orbis miratur doctrinam, Tu didicisti, quem orbis audit, Tu consulabas, cuius autoritate tuemur nos in dubijs, illi Tu sæpè Tuam autoritatem. opponebas, & lateant in illa Sapientiæ officina doctri-

doctrinam eruebas; cum maxime de doctrina Sapientissimi Magistri
dubitabas, de Tua manifestam faciebas demonstrationem. Non reli-
quiste illum Romæ, sed tuliste ad nos in Poloniam videbaris; referebas
nobis non imitatione, sed ipsa re, & quod Tibi illiq; honorificentissi-
mum est, eius Theſibus inter doctos præſidere vilus es, cum doctrinam
constantissime tuebaris. Ea demum integerrima in scholis laus est, ſci-
re, quæ didiceris, tueri. Quæ de Te apud illum iam non erat vota?
Nunc Principum gloria, nunc Ecclesiæ Catholicæ columna, nunc Hæ-
reticorum fulmen, audiebas. verbo, iam tantus illi Magistro eras, vt
quod de se præſumere non auderet, Tibi polliceretur: illum nimirum
futurum Te aliquando Pontificem, quem, vbiunque lateres, suffra-
gia populorum inuenirent: licet non quæres, habiturum Tiaram,
cum maxime contentione fugeres, euasurum velocissima SERENIS.
SIMORVM Poloniæ Regum voluntate in prosequendis, qui excusa-
tione & modestiâ fugam tuentur, Pontificatu dignissimis. Et nisi VR-
BANI VIII. imperio modestiæ Religioſæ umbras, Purpurâ ille colorâſ-
set, Tu magis illustris futurus eras. nisi ille Galerum accepisset. bicipi-
ti Pontificiæ Tiaræ vertice eminuisses. Ita, Tibi Principi nauasse
in sacris perſeuerandis scientijs, tanti constitit munificentissimo LUCIO.
NI, vt par Tibi esse in Pontificatu debuerit, postquam Te ad nor-
mam suæ scientiæ erudiuit. Etsi in literas casus & fortuna nihil iuris
habet, nescio tamen cur iuris vtriusque Doctores, sæpè casu & forma
nâ multi fiant. ita præmia literarum, cum ipsas non possit, occupare
solet fortuna. at nummis Sapientie lauream comparare, ex demum stul-
titiæ summa est. Etsi pretiosissima est Sapientia, tantum labore venit
effundere aurum non est opus, sed sudores, vt hoc noxio humore ege-
ſto, fiat locus in capite deſposito. ſtrepit Sapientia, an, ſtridet: quæ
inter tinnitum auri nata est, postquam aurum conſlauit, inſtat: nihil
ſucci habet, magis pallida est, quàm aurum. Videmus eiusmodi mer-
catores, venditare magis, quàm vendere Sapientiam. Priuilegium ha-
bere, Doctores appellari, legem non esse doctos; & cum alijs in libro
Sapientia ſit, illis est in vna charta. Sacræ Theologiæ, Diuiniq; ac
Humani iuris lauream, studio, contentione, profectu, meruiſti: non est
in Te beneficium, sed meritum, sed ſtipendium. quid enim non ha-
beres, quam multis eripuisti? quomodò non teneres cum nullus eri-
pere poſſit, etiam illi, qui maxime æmulabantur: quanto ſe magis eri-
gebant, porrigebant palmam. Licet Tu magis curabas eſſe Doctus,
quàm Doctor, communem appellationem, ſcientia ſingulari cumulâſti.
fecisti, quod raro accidit in Principe, vbi omnia Maieſtas occupat,
locum Sapientiæ. ſubarrahſti annulo digitum, quo tot opinionibus, tot
dubijs,

dubijs, silentium imposuisti; vt ostenderes, magis lucere Sapientiæ gemmam in Illustrissimis: accepisti librum, vt dares testimonium plus esse in nigro librorum Purpuræ, quàm in sanguine tot Regum, tot Principum: nostras esse à Sapientia laudes, alienas à sanguine. Ita ILLVSTRIS-
SIME PRINCEPS, etsi multum acceperis à literis, plus dedi-
sti; admisisti ad Poloniæ Aquilam, Mineruæ Noctuam, & scutum Per-
sei Generosissimo Equiti Tuo, addidisti: inter tot offendicula viæ &
vitæ, habes Mercurij virgam in manu, contra pestes tot & tantas, isti
serpentes, qui virgam ambiunt, facient vt speramus Theriacam. Feci-
sti Te tantâ Sapientiâ Cathedræ Posnaniensi magis gratiosum: habet
nidum, in quo alibi natam eruditionem deponas. ita vtrumque litus
VARTÆ adamârunt Musæ, vt non suauius Aganippes fontibus, vel
potentur, vel abluantur. Diocesis Tua Sapientissima est, & cum
paucos habeat è Curionibus Doctores, Doctos quàm plurimos. Tu-
um hoc speramus beneficium, mutuabis aliquid de Tua authori-
tate; vt possimus etiam Doctores nominare, cum Doctos faciamus.
Ita cum ad nos veneris, eris inter Oratores Tullius, inter Philosophos
Aristoteles, inter Theologos Aquinas, inter Doctos Doctissimus.

Q Vis litterato pramia seculo
Dignè refundat? non Arabum sinu
Exempta merces: non auari
Dives opum bene Gaza Crassi.
Quamuis apertis ditior aureum
Parthus liquorem rictibus influat:
Non si quod in nido superbis
Gryphibus est, rapiatur aurum.
Qui vorticofus diuite perfluit
Pactolus aluéo, promerita minor
Mercede: fundoque euolutis
Ipse Tagus minor est arenis.
Creuere Musæ: formaq; Virginum,
Virtusque maior. Non humili iuuet
Ornare mundo, sed corollas
Ditibus accumulare gemmis.
Non sola sacri conscia germinis
Vel Cyrrha, Cyrrha vel gemino procul
E colle Parnassus, verendo aut
Vertice conspicuus Cytheron.
Plures Athenæ. crescere Porticus,
Stoamque cerno! iurgia concrepant;

Quaecunquē Doctorum, recenti
 Feruet ubique Academus umbra,
 Illic Platonis Pneumate tussunt,
 Senes verendi. Parte alia sales
 Mistique verborum, iocantis
 Democriti, veniunt lepores.
 An qui Deorum mente, scientiam
 Libasse primus creditur, extulit
 Se rursus umbris? an Platone
 Discipulus melior magistro,
 Auditur, alto verba silentio
 Donare sancti mentibus otij?
 Et rursus apparet peroso
 Antè, recens Stagirita, mundo?
 Rursumquē fundo Thetidos enatat?
 Et reddit Euripus malè quem tulit?
 Hic unde Doctorum, resurgens,
 E tumultis glomeratur ordo!
 Phœbusné rursus querere Thracios,
 Natale Calum, Sarmata; limites
 Affectat? an Graijs iniquus,
 Post, Patriam repetiuit, Argos?
 Ultranè dici noluit Atticus?
 Quando seueris Concanus obtinet
 Hæc Regna frenis, mitiores
 Quæ Domina tenuère Musæ!
 Vidi relicto vertice Pegasus
 Errare campis; concutere ungulâ
 Sublime montis, verberato, &
 Biscipiti properare colle!
 Hinc Æthra pennas, hinc vocat ungulam
 Porrecta tellus. Hinnijt inscius,
 Exulquē terræ; quâ cupitas
 Calce siti repararet undas.
 Nec gratiosas, fontis in arido,
 Harere Musas ampliùs imperat:
 Viam volando mox parauit,
 Quas peteret, sequerentur, oras.
 Tunc alta sternunt se iuga montium.
 Alpes, vel altis non minor Alpibus

It nube Pyrenæus Iberus,
 Pœnè Helicon vetus aula, colles.
 At tu superbo vertice non minor,
 Vt meta surgis Carpate Pegaso!
 Quà lenè vitrum vorticosus
 Vandalico iacis amne Lechis.
 Huc longiori semianimis via
 Aspirat exul Pegasus; huc nouem
 Tendunt Sorores, & Polono
 Stare volunt aliquando saltu.
 Mox delicati margine Vistula
 Casto natatu, pectora balneant.
 Quamsi verecundas videres
 Naiadas, aut Napæa lustra.
 Cernunt Vauchi culmina Regii:
 In summa colles sidera sutiles.
 Quos ponè perlapsus, liquorem
 Vnda parem parit Hippocrenes
 Olim petitis fontibus Istule.
 Hoc fonte posthac credite Thespium
 (Apollo dixit) ô Sorores
 Vnde sitim releuetis, annem!
 Hic nostra possim tendere barbita
 Effusus herbis, inde satur Lyra.
 Quietus appendam Draconis
 Plectra sonum fugientis antro.
 At vos Patritam, quæ tulit hospites,
 Ornate terram, Nunc faciles metro.
 Aptate venas: nunc fluentis
 Eloquiij properate mustum:
 Hinc inuidenda vt prodeat Atticis.
 Curate pubes: sed magè PRINCIPEM
 Lauruq, fragrantiq, thymbra.
 Et Siculis redimite fertis.

Habet in Te ILLVSTRISIME & REVERENDISIME
 PRINCEPS fortuna non casum, quod in multis; sed statio-
 nem, quod raro, beneficium. Nisi fortè eo ipso se longè à Te
 excludat, quòd stare debeat, nunquam labi. ancillari se probat, cùm
 recedere sine venia non potest: Tu singulare imperium exerces, quòd
 veniam dare, quamvis maxime velit, non possis. Eo loci, hoc est in
 Illu-

Illustrissima & antiquissima Familia natum esse Te, Naturæ benefici-
cium dixerim, non fortunæ: educationem integerrimam Illustrissi-
mis Parentibus debes; Sapientiæ lauream, Tuis laboribus; Honores
meritis. Attulisti Pontificio Apici dignum verticem, nec otiosa aut
imbelli manu, sed poenè Herculeos labores expertâ, accepisti Pedum.
eodem quo Te sibi Sapientia desponderat annulo, Tibi Ecclesiam
Posnaniensem desponsasti. Aiunt Honorem etsi Illustrissimos quan-
doq; faciat, cæcum esse. facile fortunæ pullum in Familiam cæcorum
transcripserim; alius omnis, lynceos habet oculos. Beneficia fortunæ,
infortunia sunt apud indignos: nam miserrima eorum felicitas, qui
vri nesciunt. Nullibi magis studia feruent, quàm in ambitu Honoris:
non ad æmulationem, sed ad inuidiam certatur. adsciscuntur in auxi-
lium fraudes, simulationes & simultates; quin ipsa amicitia hostili-
ter exercetur. Vna omnium meta, HONORIS punctum. Ocuras! ò
inane! rari ita lucere volunt, quin alios obumbrent; vt sol minora
sidera, sic illi, minores extinguunt: nec potest esse aliquis summus,
nisi omnes inferiores efficiat. at ipsa altitudo, humilitatem accelerat
in arboribus; in hominibus, paruitatem magnitudo. Nullibi maiores
ruinæ, quàm magnis in ædificijs. Magnitudinem suam Pompeius dum
tuetur, Orbem minorem fecit: illius tunere, parauit sibi sepulchrum:
in illius vno capite, vix non ceruix Orbi præcisa est. Quod in magnis
fluminibus accidere solet, idem in gloria. Fluuij non sunt, nisi riuos
deuorauerint; nisi mare perpetuò tot flumina bibat, arefcet: temulen-
tia facit Oceanum. Habet aliud vitium Honor in indigno, superbus
est. quisquis enim in ambitu fastu peccauit, exercere non potest ali-
ter Honorem, nisi eo modo quo acquisiuit. Sed nulli magis digni Ho-
noribus sunt, quàm qui se indignos existimant. vt nemo luce dignior
est eo, qui in tenebris manet; ita & gloriâ, aut Honore dignissimi illi,
qui latent. Nisi merita auctoritatem illi faciant, leuis est; maximè apud
eos, qui digniores erant. quis enim tantopere in alio suspiciat dignita-
tem, quam contempsit? Sæpè Honores retrimenta sunt eorum, à qui-
bus conculcantur: quos si quis iactat, illud habet in capite, quod sub
pedibus meliorum erat. affectare, si quis non mereatur Honorem, cul-
pa est; accipere, pœna omnium grauissima. Tyrannus est vbi regnat:
ibi verò semper regnat, vbi nihil melius Honore. In alijs virtutem
& Sapientiam veretur. manu ducitur ab his, & ferè mancipium est
omnium vilissimum. vt ijs, qui sanos oculos habent, lux est gratissima:
ita quibus pupilla animi, hoc est ratio, non est lusca, Honores gratif-
simi sunt dum seruiunt. Sed inter bona propria nunquam reponendi,
etiam summi. non licet illos in conscientia simul cum virtutibus por-
tare.

rare: profanum quid est: in opinione aut lingua aliorum diuerfetur, hali-
tu viuit, non cordis sed oris. Quidquid in Honore quæratum summum, eti-
am si illum in oleum Philosophorum distillemus, nihil est nisi videri, præ-
dicari, oculi scilicet & linguæ alienæ. Hercule cæci & surdi, cum illi vi-
dentur, isti laudantur, opprobria sua ducunt, non encomia. Magna
licet in Honore Graria, non est summa. plerumq; quibus honores gra-
ti sunt, ipsi Honoribus ingratiissimi. Alia sunt magnorum Honorum
lucra, alij partus, partes aliæ. Nulla maior necessitas sanctius viuen-
di, quam à loco sublimiori. qui demissi in obscuro vitam agunt, si quid
deliquerint, pauci sciunt. vita & fortuna illorum pares sunt. At qui in
summa fortuna eminēt, eorum facta cuncti mortales nouēre: vt in sum-
ma fortuna minimalicentia sit. Ad suum census, Titulos, dignitates
conuertere; auarissimi sceneratoris est, ne dicam furis. Publica bona
sunt, Honor & Dignitas: in priuatos vsus conuertere, peculatus, im-
mò sacrilegium. Bona Exempla, innocentia vitæ, nisi summi exerceant
iniuriæ sunt summæ minorum. Imperia hi putant quidquid viderint,
in vtramq; partem. Quod si tam consilijs quam exemplis deficiant; Ma-
gistratu abeunt, exuuntur Honore, quem tam malè tractarunt. Tvs
ILLVSTRIS PRINCEPS HONOR iste recens, vel in Ecclesia
Catholica, vel Polona Repub. in summas spes animos omnium erexit.
Poenè inter Aras ac Preces repertus, vnus inter vmbras Oratorij quæsi-
tus ad Lucem; inter Superum vota, SERENISSIMI REGIS IOANNIS
CASIMIRI. IV. voto (oraculo dixisse debueram) destinatus Ma-
gnum pondus habebat apud Te eius voluntas, quem sciebas non te-
merè & casu, sed omnia maturè consulto facere. accepisti ne con-
tempnisse videreris excusando, vel Principis gratiam, vel Honoris diui-
nitatem. ego existimo grauissimam fuisse suscipiendi necessitatem.
vtrinque; longè tamen grauiorem, DEI ipsius consilium. Vnde enim
Regi tum Serenissimo de Te cogitare? Non ingerebas Te in oculos,
ne occupare videreris antiqua aliorum merita, Tuis maioribus: excu-
sabas ætate, adulta illorum obsequia; & quanquam plus alijs afferres,
quia tempore pugnabatur, cedebas antiquioribus. Remis & velis inue-
hebantur alij per Oceanum fauorum, parentelarum: Tu cum tor nau-
fragia videres, remulco litrus adhuc legebas; & cum sedere ad Cla-
uum iam posses in summa oneraria, fato quodam ad LEMBVM PE-
TRI seruabaris. Longè eras ab ijs, quæ prima sunt ascendentibus ad
magna. Limina aulae vix noueras, ferè non triueras. Venisti tamen
in mentem facilè, cum optimus quærebat. sola pro Te Regis Se-
renissimi prudentia agebat, vt facilè inuenires ibi gratia locum, vbi
prius virtuti feceras. Alij putant induxisse cognationi, & pro Te VLA-
DISLA.

DELAVALLIAGLLLONEM, tot deinde Reges perorasse: Claritudinem generis cognationum studia alij dicebant, honestissimos ad talia Patro nos. siue suo Sanguini Rex Serenissimus, siue Tuo Generi commendasse, feliciter nauigasti, quia siue æmulo, adhuc deberes Honorum tantum estimare, quanta est vel Regum Maiestas, vel Principum auctoritas. At Rex Serenissimus, causam DEI & Ecclesiæ altioribus pendebat momentis, magisque attendebatur Sanguis CHRISTI prestantissimus, quam sagellonicus; magis homines, quam Principes; utilitas aliorum, non studia cognationum. Nemo est qui Te in Honorum curam præcucurrisse inuideat: vna omnes admiratio tenet; reuera non indigna. Venisti ad præmia sine contentione, accepisti beneficium cum manus non exporrigeres, poenè sedens, volantes in cæpo ambibus superasti. Vicisti omnium studia cum non pugnabas, apparuisti in umbra. Ita auctoritatem Honori, gratia Regis Serenissimi fecit; quod vnus maturissimo iudicio adoleueris. ea verò ætas conuenientissima est ad Reipub. munia, asserre annos, non multos sed sufficientes; mentem potius canam, quam mentum. Nemo facilius vincitur, quam qui vetustate pugnat: quamuis maximè sit auara senectus, malè omnis cibis digeritur, vel corporis vel Honoris: nisi stomachus sit, hinc contra cruda, hinc contra ardua. Obsequia SERENISSIMO REGI & Reipub. cum nulla adhuc dares, promittebas omnia. multi in quærendo Honore ita seruiunt, vt vires ad vsum non habeant; & cum maximè iparta quam quæunt, ornanda est, ægrè illam, cum inuenerint, tuentur. Sciebas ILLVSTRISIME PRINCEPS, præsidia prius paranda esse exercendo Honori, discendamque artem ante exercitium. nam vsum discere periculum est, ne profectus fiat ex erroribus: quod in mechanicis etsi tolerabile, nemo sapiens non ægrè ferat in diuinis. vt ait Hipponensis Præsul; Ars artium est regimen animorum: non datur errare contra artem, sine vitæ periculo, vel nostræ, vel alienæ; sæpè nostræ & alienæ Instrumenta artis in manu sint oportet: Vestræ istius Piscatoriæ, ab eo fieri prius debent, qui exercet. emere, ferè non licet retia, aut commodare; idem de hamo iudicium, & quidquid ad piscationem Animarum pertinere videtur. sæpè cum ruptum fuerit rete, reficiendum est, manu eadem, quæ ad portum æternitatis è mari trahebat. Nudis manibus in Oceano captare pisces, est demum aquis illudere. Tot deinde pericula, vel ab ipsis piscibus! maximè si quis in REMORAM incidat. Cicurare pisces, ignota ars est, ignorus artifex. diligere bonos tantum, non licet nisi in ipso portu immortalitatis. Miscere oportet, Piscatorem cum Pastore, & vtrumque lupum, siue filius siue aquæ, repellere: porro illi maximè lupum.

fugiant, qui pascere desiderabant. Non erit in Te Præsul Reuerendissime Honor Pontificalis inermis, præter illa communia tela, Baculum & virgam in manu, Galeam bicipitem in vertice, manicatas manus, ocreatos pedes, loricatum pectus tot stolis. habes necessaria omnino isti muneri præsidia, rara equidem, & fortasse rarorum: at nemo artifex sine instrumentis. Non tantum eminebis coronato, ut docto vertice: magis splendebit animi Tui gemma, quam annuli. Quod in Te ament singuli & mirentur, attulisti Tecum, cum venisti; dedisti Senatoribus Regni, collegam Pontificem Sapientissimum; Nobilitati Principem Illustrissimum; subditis Parentem optimum; egenis Patronum munificentissimum; omnibus virtutem. ita Tuus Honor non reuerentiæ tantum erit, sed amoris; non gloriæ tantum omnium, sed utilitati seruiet multorum. Spectabis contentiones, quas iam in Tui studiosis excitasti, Tua inauguratione. Nos beati ac felices existimabimur manus Tuæ osculo, qui iam ab Antecessoribus Tuis facultatem Altaris habemus; qui nondum adyta hæc ingressi, adhuc in porticu expectant, gratulantur suis sacris, quod à Te sanctissimo conferentur felicia (nec immerito) futura putant illa capita, quibus manus imposueris, & quem donaueris Ordinem, vel Tui privilegio sanctissime seruaturos se ominantur. & quamuis characteres Sacerdotij iidem ab omnibus Pontificibus scribantur, habet tamen aliquid gratiæ manus, cui formam virtutis induxisti. Tanti est non affectare sed vereri Honorem. Etsi in dignis beneficium non est sed præmium: nullibi maiorem gratitudinem experitur, cum ad indignos diuertit; beneficium non tam facit, quam projicit. gratitudo nulla est, immo contemptus, nulla æstimatio amplitudinis; nihil in vita par magno Honori; illa ipsa, quæ alias latibulis excusarentur crimina, in magna luce pudorem magis incutiunt, & Honorem dehonestant. sic serò poenitere incipit festinatæ amplitudinis, ubi in ipso culmine lux accensa exstinguitur. Quot homines maiores habuissemus, siquid de magnitudine detractum fuisset! quod summum erat, fecit abiectos & sordidos. Ignorant scilicet plurimi in meta festare, cum in summo sunt; ad quam illi maxime collimant, qui oblique iaculantur; quam illi tangunt, qui pessimè. Magna sit oportet virtus, ut in summo appareat. Turrium Carchesia & pinnae, puncta sunt in oculis nostris. Avium Reges cum humi stant, eminent: inter nubes, Acredulas non excedunt. Non tantum conscientia propria, sed etiam oculo eorum, supra quos eminent, seruire decet, nam si virtus non videatur, promptissimè vulgi iudicium est, à non videri ad non nosse. sic dum virtutem in alio non vident, vitium in se faciunt suspicionis. Tantum nonnulli Honori fi-
dunt.

quunt, ut velut ex Amaltheæ cornu, omnia ex vno venire persuadeantur. ignari opinionem quidem ab Honore gigni, non scientiam; ac illa plus aliquando nocet, quam profit: nisi respondeatur factis, degenerat in errorem, cui demonstrationem faciat experientia, praxis speculationem pessundet. melius verò est nunquam imponere, quam falsitatis redargui. Quoties, vbi sperabatur, non est Sapientia, eo magis Honorem pudet. ridet Orbis (luget dixisse debueram) sæpè ad Clauum sedere remò indignum, ferre Purpuram dignum Centone. interea quæ maximè errando progreditur fortuna, dum ludit, lædit nimium. Ibat in amplexus Tuos Tiaratus Honor, parum dixi, trahebatur; etiam hoc parum, volabat. Obstinatus in alios est, temerarius in quosdam: Maiestate Tua exemisti illi vel duritiam, vel facilitatem: reluctari non debebat etiam ferreus, cuius magnetem in Tuo pectore portabas: etiam si leuissimus, festinauit sine præcipitio. Licet coram Te acurissimo Philosophiæ Magistro, paradoxum Ethicum asserere: nullam Tibi formam adferre Honores, sed à Te accipere. Ibi pulchritudo eius elucet, vbi in materiam informem incidit. In Te, antequam adueniret, omnia culta, perfecta omnia. Sed ego vereor, ne non tantum Honorem Tuum æstimem, quanti Tu ipse. scio à Te hospitem istum, ut diuinissimus est, etiam ante Ceras Maiorum, non in atrio, sed in animo Tuo collocari. Libens volensque ad Mitram Principum addis Tiaram Pontificum. maioris sub hoc bicipiti vertice nudum, caput, quàm sub alio gemmeum vel Cæsariatum, portare. Libenter descendis è Gentilitio Equo in Lembum, ut sumas cum freno Clauus, cum gladio militis, Pedum pastorale. Dedisti specimen in recenti Honore antiquæ virtutis: inter plausus Tuorum, Tuus es: inter acclamationes omnium, sis apud Te: inter salutantium dextras, modestiæ non valedicis; tenes virtutis manum, cum das Tuam. Auges admirationem nostram, quòd omnia Tibi noua, insolita omnia videntur. nihil in Te nostris studijs par, nihil Nobilitatis Humanitati, Ciuium Urbانيتati, totius demum Maioris Poloniæ beneuolentiæ, nihil simile affirmas. Nos existimabamus summam Te gratiam facturum, si admisisses accedentes. vicisti opinionem, cum Te nobis ægrè committis; excusas (quod ego dicere non ausim) Tua Paruitate. Ita omnino summum Te esse probas, cum inter mediocres non appares. artificium hoc est pertingendi ad summum, minuere (quod tu facis) amplitudinem. Nihil est enim magis iam in Te singulare, quàm quòd sis omnibus communis; nihil magis comune, quàm Tu omnibus. Pretia sua multi raritate æstimaunt, quo plus in se luminis & maiestatis arbitrantur inesse, parcius se concedunt, ne oculos contuentium perstringant.

ita

ita nimirum adsciticius splendor facile infascinari potest, & obtene-
brescere, vel inuidiæ liuore, vel splendore æmulo. In Te lumen ut in
sole: sufficis omnibus; ita Te attemperasti, ut nulli lumen noceat, nisi
quod præ auiditate videndi Te, vix oculi omnium vnâ cum animis
ad Te non egrediuntur. Ac cum omnes partes suas in hac lætitiæ
scena promoucant, Patria potiore partem theatri occupauit, sola e-
minet. admittit in hoc luctu aliquam in Te lætitiæ parenthesis: sola-
tur Ciuis, immò Patris Patriæ memoriâ, quam à seruis accepit calamita-
tem, eo instantius, quod in Te, quæ eget, sperat medicinam. Hactenus
ita grassatum est à fæce hominum, ut remulentiâ belli seruis nemo
melius senserit ijs, qui seruos habeant. insolita omnino catastrophe, ab
aratro ad castra, à vomere ad gladios transire / exempta bobus iuga,
Dominis imponere / factum vidimus! sensimus! doluimus! Vereor, ne
quid consilijs peccatum sit, non solis armis. Quod si nidum & fontem
Reipub: cladium quæramus, inueniemus istinc prodisse, vbi pessima
nasci solent consilia, reddendi Schismaticis tot Catholicorum Ecclesias:
dum enim mala tempora timentur, ab his qui maximè timent, pessima
fiunt; cum pro bona causa nemo est qui dicat, omnes mai faciliè re-
gnare incipiunt. At nunquam melius Regna vel Respub. harent, quam
in vnione animorum; quæ extra vnitatem fidei quærere, est extra DE-
VM pacis & concordiæ Parentem, abire. In Regno hoc, quod liberri-
mum est, nemini suæ libidini seruire licet, aut alienæ. expedit dum,
matura cuduntur, lenta nimis consilia non esse: ne dum in festinatione,
timetur præcipitium, offendatur sedendo. & maturè consulto, & expe-
ditè facto opus est. Faciliè consilia patiuntur moram cum nascuntur,
vbi in lucem prodierint, non pedibus sed alis ferenda, etiam truden-
da: non nisi in effectu videri amant, aliàs nullius boni sunt causa. Ho-
nor iste, ILLVSTRISSE PRINCEPS, etsi primum consiliorum
faber non erit, tamen aperiet officinam: ita nihil ab illo habes, nisi po-
testatem promendi sapientissima consilia, à Te ipso est facultas faci-
endi. Neque ille è malis facit bonos, nec aut mutis linguam, aut fa-
tuis commodat consilium. magis denudat, quo illustrior; non est tam
bonus Magister, ut ferulam morum habeat: sæpè quia mulcet & pal-
pat, conuiuentiâ facit in malis confidentiam ad pessima, in bonis ad
mala audaciam. Theatrum erit Virtutis Tux & Sapientiæ: implebis
omnes scenas sancti Pontificis, Sapientissimi Senatoris. & quia perso-
natus actor non eris, putamus quod istam personam Humanitatis &
beneuolentiæ erga omnes, nunquam depones. Quomodo non gratu-
ler istum exercendæ virtuti campum; in quo, CURSV OLYMPICO,
cælo ipso spectatore excurre? Cælum Tibi inuidere videtur, quisquis
Te

Te hic esse, non libenter videt: vbi etsi cælo inuidiam facies, dissimulabit interea palmas Tuas, dum lucra crescent nostra. Regnum hoc amplissimum ita liberum est, vt maximè in seruitute, vel DEI vel Religionis, libertatem Polonâ experiatur. Iugum Christi, ita detriuit vel Regum vel Principum, vel Senatûs, vel totius Nobilitatis colla, vt ipsa dignitatum insignia, honestissima esse putentur, in Mitris Pontificum, nouo titulo sanctitatis. ita non aliunde Interreges, Primates Regni, Primosq; Principes, Legatos Natos, nisi è nido vel Fidei vel Regni, è Gnezna habemus; Senatûs Principes ibi nascuntur: tot deinde Senatores quorû Pontifices, numeramus. raro exemplo non est summa post Serenissimos Reges authoritas, nisi summa sanctitas! si alio Regno vel Repub. id Honoris obtingat; in Templo multum maiestatis est, nihil in Curia amplitudinis: altaria tantum, & imagines curantur, soli personant Ecclesiarum parietes; extra, vocem vel pedem efferre, Ratio Status non permittit. ita cùm qui sanctissimè dicere possent excluduntur; frequenter consilia Senatus, illa optima purantur, quorum effectus, religio sola potius, quàm etiam Religio defensa. At in Polonia Pontifex, idem est Pater Patriæ, Templi & Curie præses. vt ad curulem Senatoriam, non aliunde nisi ab altari consilia deferre videatur, illamque Sapientiam quæ de cælo est, Reipub. vñbus commodare. Neque hoc mirum istic esse debet, cum Regnum hoc florentissimum, non nisi iam adulta Religione natum sit, tum primùm florere cæpit, cùm fructus Virtutum Christianarum tulit. tum BOLESLAVS CHABRI Diadema Regni accepit, cùm latè Fides Catholica regnasset. Liceat alibi Senatores, sentire ea quibus cælum dissentiat, nostris non licet. Habent inter se è cæli ipsius cortina, cælestium arcanorum interpretes, ipsius sanctitatis oracula. Accessisti ILLVSTRISSE PRINCEPS, quò Te diu iam vota nostra, Virtus Tua ducebat, Illustrissimi Maiores Tui præiuerunt. Nihil erat impedimenti in itinere, trita pœnè inaccessi semitâ, TVORVM exemplis. quod si compendio vsus es: virtus fecit, annis etiam, qui velocissimi sunt, præcucurrisse. Minores gradus vel insularum vel dignitatum, ascendere non debebas: summo venientibus, proxima sunt altiora. qui humi serpunt, si emergere è tenebris voluerint, primùm in crepusculo esse oportet, antequam plenam lucem excipiant. Exortus ibi es, vbi in solstitio, vel Serenissimorum vel Illustrissimorum luminum, Gloria generis Tui Poloniam illustrabat. Non debebas instar nouilunij crescere, qui nullius interpositione opaci, aut ex oculis, aut è memoria Poloniæ excessisti. Ita in CVRSV OLYMPICO non saltas sed graderis. scilicet Domi Tuæ Honor hospes non est, ideo & Tu peregrinari non didicisti. Non speras Te radiosum in consuetudine futurum, ideo constantem amicitiam statim inire malebas, quàm

Q

mura-

mutare frequenter. Vt cunq̃ue mihi satis gratulatus videor, Honorem
istum Pontificium vel Senatorium; Tibi omnino nondum satis, poene
nihil Honori. Gratulari ego vt par erat, me velle volebam, nescio
vtrum etiam gratulatus sim vt par erat. sed in tanto omnium plau-
su, facile est non audiri vnum: in omnium voce, etiam vnum tacere
non expedit, ne se ipso prodat & accuset silentio. Scio me ad fatigatas
iam vel aures Tuas vel oculos venturum, occupatam inuenturum
manum; venio tamen, & aliorum festa, feriis hisce meis scholasticis
pratendo Patronos. Nimirum otium ad hæc legenda si non habue-
ris, ego non illibenter habebō, non fuisse me Tibi molestum. Malim
reponi inter aliorum lucubrationes, quam illos oculos, quos tot lite-
ratorum concertationibus delectasti, stylo meo non ad Tuam Maie-
statem composito compungere. etsi rosas Tibi afferrem, caute nimis
porrigerem, ne in spinas incurreres: etsi flores, timerem ne quis esset
mali odoris. Interea nec rosas, nec flores, sed folia mihi ferre videor;
& in Sapientiæ Tuæ horreo paleas deponere. facile inuenio excusati-
onem in Humanitate Tua: postquam Te omnibus Tuæ Cathedræ sub-
ditis donasti, dabis & malo Oratori. Profecisse Te aliquid etiam ex
hac pagina existimauerim, cum ad eam, quam iam habes bonorum
Oratorum scientiam, etiam experientiam mali apposueris. Ita ego
apud me Eloquentiæ meæ mustum diluere soleo. Quomodo me Ho-
nori, quomodo Tibi excusem, non inuenio. Tibi Honorem gratulari
temerarij esse videbatur, immo impudentis. tantum de meritis demi-
tur, quantum gratulatio crescit. qui digni sunt, iniuriam sibi fieri pu-
tant, quoties Honor cum isto fastu comparat, vbi deberet esse vel mo-
destissimus, cum stipendiarius sit. Merita etiam gratulari non solemus,
ne nouam & raram virtutem facere videamur, vbi firmas egit radices.
Difficile & arduum sit oportet gratulationis argumentum: at verò
nulli facilius bene operantur, quam qui optimi sunt. potius bonam ia-
columitatem, prosperam fortunam, & ea, quæ nostra cum sint, aliena
vel erant, vel esse possunt, gratularer; quam ea, quæ tam Tua sunt,
quam Tu ipse, vti est Virtus & Probitas. Tamen ego Honorem gra-
tulatus sum, quia optabam. dissimulare non poteram meum gaudi-
um, qui nunquam simulare didicerim. Tu qui materia communis læ-
titiz toti Poloniæ Maior es, offendi non debes, illud vnumquemq̃
spirare, quod inspirasti. Hercule non vereor ne quid non probes, faci-
le omnia lætitiz partu excusabo, in qua vel maxime durum est seden-
tarium esse, si quid torno, vt multa sunt, indiget; ideo me non emen-
dasse dicam, quod maluerim tum feriari, cum Tu aduentu Tuo, non
scholis tantum & libris, sed omnibus artibus & officinis iustitiam in-
dixisti.

dixisti. Etsi ego me meâ audaciâ, Tu mea temeritate absoluis: Honor Tuus durior est, non annuit, sed reuult, silentio. Nisi Te illi gratulatus fuero, intelligo quid sentiat: non sentire me tantum de Te, quantum debeo, quantum Tu mereris. Ea demum omnis Eloquentia hic esse debet, exercere Oratoriam, in Te, Honori vel Pontificio, vel Senatorio, gratulando. Ego existimo illud omnibus in hoc literarum ludo, si gratulationis apostrophe ad illum est, qui meretur Honorem: quod si non meritus est, vereor ne scôma sit, quod laudem putat. Patere Illustrissime Princeps etiam Te gratulari Honori, cui Te donasti: agnosce Te ibi, ubi es. Cogitabo Te Pontificio diademate coronatum in Templo, inter Patriæ Patres in Curia: altius in Te vertex ille assurgere videtur: eminere Senatoris sella. Non crescis aut Insulâ, cum ad aram reuerenter assistis; nec attolleris sella Senatoria dignitatis, quam imple. venisti ad utrumque iam magnus, cuiusque in Polonia sublimitati par. facile est cogitare quanta hæc in Te tanto sint, cum tantillos etiam, tantos faciant. Attulisti ad Pontificiam dignitatem, quod maxime dignos facit Pontifices, Virtutem & Scienciam: etsi hoc satis erat, tamen ut beneficium hospiti faceres, deposuisti Tiaram in illo vertice, ubi Principum diadema seculis pluribus luxit: & lucebit tandem, ut vouemus, quamdiu sol ipse. Illustrasti Curiam Senatus nouo lumine, maioremque comitio authoritatem fecisti. ubi Patria tutò quiescat, cum primum sellam Senatoriam occupasti, fecisti in sinu locum. sed ne lethargum dormiat, excitabis illa oratione, quam contentissimam experti sumus. Inter Bonos Senatores, eris exemplum meliorum. Non Te à libertate consilij potentia aliquorum, quia omnibus par; non temeritas, quia constantissimus es; non peruersitas, quia optimus; non calliditas, quia Sapientissimus, retardabit. Elucebit splendide in Te Honor Senatorius: apparebit in libertate Polonus esse; in Maiestate Regius, in salubritate consilij utilissimus; in effectu, maxime necessarius. Ne aliqua inuidiâ apud Nobilitatem ordo iste laboret, facies Tu Sapientia & Authoritate Tua, ut suspitione etiam Nobilitas peccare non possit. seruabis stylum Curiae, nec opus erit à Te importunè rogari sententiam, aut audiri cum tædio: ultro, quæ Reipub. isti profutura videbuntur, dices illo Tuo stylo, quo Tullius videri soles. Etiamné extra Regni istius limites non egrediar? habeo quod prætendam. ad calcem decurrit oratio, latiorque Prouincia est, quam Eloquentiæ campus. non abibo nisi vno extra Poloniam pede: stabo in limine altero. Ita Te Honori Pontificio gratulari debebam, ut rotius Ecclesiæ Catholicæ meminisse viderer. Magnum est, quod vineæ isti commodare potes. alibi non sepes tantum, sed ipsæ vites detrimentum patiuntur; alibi comedunt alieni botros; exsugunt ipsam

ipsam medullam, singulares feri depascuntur! aderis Hercules noster
& monstra hæc cum sustuleris, maius spoliū, quāntū ex Arcadi-
co sue iactabis. Hoc equidem Ecclesiæ Posnanienti, hoc isti Regno sa-
tis: Tibi, Ecclesiæ toti, parum omnino. Maiora Te & manent & de-
cent certamina: non Septentrione tantū frigidū, sed vbi maximus vel
solis vel fidei æstus est, spectatam virtutem Tuam & scientiam face-
res, in Te vno, totam Poloniam. Intelligo iam quis sensus omnium,
quod iudiciū de Te prudentissimorum esset: sicubi totius Fidei, Ec-
clesiæ Catholice vniuersæ, comitia haberentur. esses sine dubio Tuo
merito, omnium voluntate Hosius, cūmen non Poloniæ tantū, sed
Fidei, sed orbis. Haberet in Te suū momentum in statera iam po-
sita Sanctissimæ GENITRICIS IMMACVLATA CONCEPTIO, &
Gratiæ Auxilia, à Te efficax omnino auxilium. Augustinus hic esset, ibi
Doctor SVBTILIS. Ne quæso ladi putes modestiā Tuam, dum seruo ve-
ritari, illud me dicere existimo, quod cuius, cūm Te maximè pudet,
confirmas; cūm dici non vis, meruisti vt diceretur. scio multos, Italiæ
Cathedra n Pontificiam vnā ē tot, optasse Tibi, suasse; excusabas ali-
enam Prouinciā Tuā spartā: ab illo Religionis triumphantis otio, ad
belli negotia cūm Hæreticis spirabas, ne quis existimaret, non arma
in arce Religionis quærita esse, sed stipendia; præmia, non merita. So-
lent alieno solo & sole, quædam plantæ vberius crescere, pleniorque est
eulmus Cereris, dum ibi feritur, vbi natum ador non fuerat. Cæterū
anīmi etsi floreat apud exteros elegantius, vberiores domi fructus fe-
rūt. Si Te nunc in Romano solo an cælo? id authoritatis Principem vi-
deremus; gratulari vel Tibi vel Italiæ non possemus: quidquid in ani-
mo inueniremus, amitteretur in suspirijs: Tibi gratulari Honorem,
nisi simul & exilium, non possemus: pro Italiā quidquid diceretur,
contra Poloniā, contra Patriā n esset. Ibi nihil præter admirationem
habuisses, inter nos etsi admiranda facies, gratiarū actionem habe-
bis: facilius hic Sapientiam & Fidem Romanā exercere potes, quā
ibi Polonā sinceritatem. Nimis barbarè sentiebant de nobis, quot-
quot istā Tuā vrbānitatem, cūm Ethicā Polonorum conuenire
posse desperauerant. idem enim est exerceri ibi virtutem, vbi nata
est. Etsi magna in Polonos beneficia Italiæ, Galliæ, Germaniæ, erant; cūm
ab illis Pontifices haberemus, noluissemus tot gratias Te donato re-
pendere, malumus libenter illis debere, quā reddere. Etiamne satis
Honori gratulatus sum? Credo ideo satis, quia non bene. facio illi abitu-
rus reuerētiā, agnosco temeritatem, vt ignoscat; accuso vt absoluat.
quid enim cūm Tuū emendare sit omnes, ego afferre debeam, nisi er-
rores? adeo etiam displicere sapientissimis veniabile est, vel profectū
nostro

nostro, vel laudis illorum materiâ. scio tamen Te, cùm maximè me-
rebor, parcissimè censurâ vsurum. hac etiam modestia Laudes Tuas,
meum laborem indues, vt optimè facta non bene scripta esse patia-
ris. Males hic legere fructus innocentissimæ Tuæ Virtutis, quàm flo-
res Eloquentiæ alienæ. Quin apud alios etiam patrocinareris, talem
Panegyristam Tuum fuisse, qui maluerit videri Liuius, quàm Plini-
us; nec à Te sperabat veniam, si quid ex communibus Eloquentiæ
præceptis, ad singularia Virtutum Tuarum exempla deferret.

Iam ILLVSTRISIME & REVERENDISIME PRINCEPS, IL-
LVSTRISSIMO SANGVINI TVO, VIRTVTI, SCIENTIÆ, HO-
NORI, extremum nos omnes mancipamus, pridem Tui. Erit for-
tasse, qui amicitia Tuâ dignior meritò videatur, sed promptiores seruos
nobis non faciliè patiemur. Eris idem testis laborum nostrorum, qui
imperaueris Minima hæc, Tva tamen SOCIETAS, tantum quietis ab ob-
sequijs sibi vendicabit, quantum satis est vt imperia excipiat. Vnus
labor gradus erit futuri. magis seruire assuescimus, cùm seruimus, &
ille iam est à consuetudine laboris habitus, vt ex ipso habitu vitæ ad
priuationem libentissimè transeamus. Dolemus locum TIBI, inter
hæc rudera, & parietinas Templi nuper collapsi non futurum; ita factum
optimè putamus esse, vt non alibi quàm in animis nostris hospitare-
ris: ad hoc fato quodam à strage, & ruina, seruati sumus. Vetustas col-
lapsa est, vt è cineribus illustrior Tuis auspicijs euaderet Ecclesia.

Crescet impensius ædificium ex illo angulari lapide, Tuâ manu

(vt optamus) in fundamentis deposito. Surgent celerius,

quos Pontificio ritu consecres, parietes; perpe-

tuum Maiori Poloniz, isti Metropoli,

nobis, Dignitatis & be-

neficij Tui mo-

numentum.

A.

M.

D.

G.





